

江標山館詩稿

江標謹題



意若山館詩稿卷十三

元和陸 嵩希孫著

男懋修九芝校

甲寅

元日得廬州陷賊中丞江公

忠源

殉難之信

去年元日京江口驚聽武昌告失守今年元日胥江頭堅
城又報摧廬州廬州中丞誓報國自練精兵戰必克彷彿
當年背鬼軍要當盡殺黑山賊哭聲動地方金陵烽煙日
夜江邊騰斯民水火欲誰出旌旗惟望來中丞傳聞中丞
有長算指揮便擬清江漢豈料驚雷地底回莫教鐵騎城
頭扞中丞忍死猶大呼從我殺賊真丈夫須臾畢命豈有
愧日光黯黯風烏烏誰擁重兵膽驚裂一死甘心讓公烈
意若山館詩稿 卷十三 一

春寒

可獨廬江萬戶哀東南從此長城失吁嗟乎東南從此長
城失更望何人賊同滅
驚心已過元宵節雨雪紛紛祇自憐天意亦知人意改不
教春色似年年

與友人夜話

典盡寒衣雨雪驚無聊還與坐深更傳來消息愁難遣話
到艱危憤得平舉目星辰非舊日傷心書劍誤平生酒酣
莫效聞雞舞越石何勞問北征

書浦二田存義編後

倉皇行篋無一書麋鹿與遊木石俱曾懷刺促那可說歸

得此卷歡何如挑燈不厭百回讀坐令終夜生悲吁先生
抱負比管樂生逢鼎沸潛邱墟諒無人倒蔡豈屣焉用自
棄終軍孺知人豈意有經撫各齋書幣來邊隅滇黔閩楚
徧馬迹幕中經畫傾元瑜削平寇盜靖黎庶勳在史冊名
非虛平生所學庶不負功成身退歸蓬廬誰云教官盡迂
腐不遇那怪輕侏儒上杭門人紀斯編傳之百世應無渝
豺狼滿地感今日手無寸鐵誰能驅

苦雨

人愁天亦愁風雨苦不休積雪且未銷淒氣增昏眸自非
閭閻怨散布不得收何乃兩月來白日成冥幽念從兵戈
起殺戮歲幾周白骨暴道路碧血流渠溝到處聽鬼哭有
意茗山管詩稿卷十三

二

寓孥吳江以避潰兵書此志感

潰兵自東來所過肆剽掠真義唯亭閒哭聲動林薄婁齊
當其衝居民盡驚愕官吏不能制但急下城鑰不惜捐輸
錢分給恣淫博入市仍持刀歸營肯遵約豈竟無王章何
乃過示弱深恐啟姦心亂將自此作故里雖可戀近市要
非樂暫從范蠡湖聊借一塵託

金壇示曹二香

不分重相見傷心患難餘乍看疑夢寐欲語轉欲歔幽憤

稽生賦懷沙屈子居此身如未死何敢託樵漁

丹陽遇楊子城

不須相見說相思回首江頭獻策時
豪氣肯隨流水逝傷心惟許短檠知
吹簫有客容求食橫槊何人獨賦詩
等是無家歸未得飄零休恨寄書遲

無錫夜泊

風塵徒役役漂泊竟何成
世豈憐張儉人誰識禰衡
關河空目極烽火自心驚
愁絕梁谿路扁舟此夜橫

寄家沈子鬻

熊師

茂才宅追悼其先甫子實明經卽

題余所居聽蛙谿舍壁以志謝

近來心事如蛙癡
向人聒聒人厭之
祇應雨後自鼓吹
底

意茗山館詩稿

卷十三

三

煩入耳分官私先生聽此有偏愛
築館坐臥留清詞

著
有
聽
蛙

谿舍

我來墓草恨已宿
追隨風雅孤
當時殷勤深感後賢

意掃除容我全家攜
複壁雖殊趙岐託牛車
已免王尼悲
世情浮薄那可道
高誼直欲齊雲霓
何當風塵掃一夕
釣竿營得長君依

楊漱雲

炳泰

孝廉招飲

不期北海羣賢座
得廁夷門溷迹身
意氣一時成感激
艱難千古話酸辛
當頭莫散公超霧
到眼徒障庾亮塵
寶劍酒酣勞數看
因君那不淚沾巾

過趙季梅

彥修

吳江學舍夜話

同是無家客相逢
一倍親語多愁夜
促坐久忘交新慷慨

知違俗艱難未諱貧不因離亂後那識性情真

與俞少甫

岳

黃沙莽莽天昏昏出門四顧無行人兵戈滿眼欲何適一
帆直挂吳江濱吳江故人半存沒存者遠遊隔吳越

謂吳子祐

知君養痾獨閉門驚喜相逢感契闊陂塘五月涼如秋蛙
鳴聒聒生煩憂窗前雨聲聽不住欲語涕泗先交流憶昔
燕臺共獻賦聽鼓金沙復朝暮廿年蹤迹堪重論白髮何
能更變素嗟余慟哭圖山東君亦寇亂婁江逢流離遍野
忍相看一身何惜隨飄蓬報國誰聞誓滅賊血作流澌骨
作石行路時愁鬼哭哀此生再見知何日吁嗟乎此生再
見知何日終望紫氣回北極

意者山館詩稿

卷十三

四

俞少甫招登挹秀閣

蕩槩出北門延塘聳傑閣扶杖來故人招我共履屨閉窗
見青山雨過靄添薄曲曲環湖流綠意浸簾幕秀色真可
延挹取忘日落三載費經營引勝盡巖壑無事此燕游襟
情足開拓想見清平時魚鳥亦知樂觴詠傳風流倏忽已
非昨我來強登臨俯仰欲安託

紀張繼庚吳長松事張爲上元廩生吳則販絲爲業
者同謀殺賊事洩而死從死者數百人時人比諸

瓜蔓抄爲詩以哀之

上元諸生張繼庚志存忠義素有聲城破降賊賊豈識披
抉肝膽誰平生正氣乾坤尙如昨亦有英豪市廛託刎頸

自結張陳交同心誓共孫盧縛旌旗夜偃風颼颼鼓聲欲
死天亦愁蠟丸屢煩達聞道鐵騎未報來江頭謀洩徒驚
博浪索分裂五體未爲酷賊輟裂張體傷心復見瓜蔓抄遺卵
那完鳥巢覆身死名滅彼何人如君毅魄知常存紀年甲
寅月戊辰此事藉藉非傳聞

長歌行

君不見屋上烏朝朝暮暮向我呼識何凶事爲我報血流
口吻忘其痛又不見門下犬見我搖尾作牛喘使我一月
不出門勞爾狺狺夜深伴人情得盡烏犬如焉用行路生
悲鳴狐狸滿市鼠滿室食人豈獨防豺豕

喜聞勝宮保自臨清追賊至豐縣盡殲之信

意茗山館詩稿

卷十三

五

一戰功成七十城勝家原是敗家兵汾陽雪涕收京日渭
水沈舟破敵情軍令自知嚴霸棘捷書爭報動幽并策勳
莫便平臺 召猶有江南賊未平

復將攜家之陳湖紀感

擇里不處仁智者笑啞啞松陵三月居患難感同卹相要
東西鄰雞黍復我設少長看彬彬進退皆有節蹤迹非素
親厚誼比膠漆念古稱桃源豈真世途絕諒由風俗厚遂
若鷲塵失漫疑此中人獨見秦時月我雖去陳湖暫樂煙
波闊終當釣竿營歸向虹亭拂

留別沈望溪

千萬買鄰百萬宅此意今人那得識我雖寓居感主賢三

月已忘身是客一門長者稱望翁愛我尤時露肝膈深憐
轉徙囊囊空便擬東頭屋教析分金指困安足奇君儻多
財庸我惜相看羣從皆難忘高誼何嘗讓古昔癡頑方愧
伯道兒過從亦復蒙朝夕交雖非舊情自真世正多憂感
同激人生聚散原偶然梗斷蓬飛豈終極陳湖煙水看蒼
茫非是蓬瀛遠難卽但得風塵江上清終教離思尊前釋
一笑子孫長隔牆高風定許追元白

陳湖

聞道湖波甫里連家風我欲問前賢筆牀茶竈知何處一
賦傷心誦自憐

烽火回頭望欲微綠波深處見危磯一聲忽聽魚叉響還

意茗山館詩稿

卷十三

六

道中閒有殺機

曝書

迂儒少所嗜性命託卷軸恐復兵燹遭荒村預度閤今來
載與俱鉅細定幾篋別久如良朋重晤快拭目霉變得未
曾經積已寒煖抱置烈日中蠶蠹自驅逐稚孫雖愚頑著
手勝僮僕編排喜無訛他日或能讀獨嗟兩年來全家值
傾覆漸慮逼飢寒難免付典鬻念此心盡傷淚下欲簌簌
敢比南阮貧歲歲高樓曝

題朱雪泉徵士錦谿漁隱圖

滄溟急怒颿長鯨浪驚跋何處容安流錦谿指遼闊非獨
水淺清纖埃自然絕中有隱君子眼明謝簪紱楓葉荻花

聞孤艇任出沒一竿手自持危磯坐終日所嗟淵濫時四面網張密那更白小餘潑刺跳波活羨魚雖無心竭澤豈忘恤古今幾釣徒俯仰世愁閱我未冒風濤夢魂尙顛越甫里湖宗風千載讓君說

家輪香

雲桂

茂才索題先甫松濤先生坐花醉月遺

照

浩然對月愁不寐子美看花感濺淚千秋花月豈有私人
生幾見能歡會君家先人繪此圖興高正值春光媚坐中
羣從皆能詩分韻深宵兀忘醉香風淡宕回酒尊皓影溟
濛溼衣袂掀髯佳句繞闌尋行炙奚奴觸屏睡今雖仙去
迹已陳韻事爭傳尙海內想見當年全盛時文采風流重
意茗山館詩稿

卷十三

七

前輩一時題詠多名流展卷琳琅發光怪我來烽火正滿
天那勿逢君動感慨

江上曲

莫道風波惡年年阻客舟只愁江上水不肯向西流

次和湯雨生協鎮絕命詩韻

一詩傳絕命浩氣自千秋殺賊誰同誓臨危恥異謀故交
憐我在老淚爲君收報國知無愧從容豈怨尤

汪彥卿

後

以詩相質題贈

言爲心之聲卽言心可證豈有放蕩詞出自嚴正性吾子
雋雅才聲名久吟詠虛懷乃相質毋乃實聽瑩我詩未窮
源稍知別雅鄭慨自性靈託簧鼓負名盛譬如散狂藥四

海飲同病掇之務寒澀矯枉又過正讀君冰雪篇所趨諒
有定願更清廟窺交和切筌磬根心以聲聲百慮自退聽
興觀與羣怨聖言敢持贈

旅館偶書

消磨憂患感淒暄風景何堪想故園杳渺煙波愁窟宅蒼
茫雲樹變川原深宵獨客蛩初警盡日無人鳥自喧但使
歸與能早賦便應到處有桃源

秋夜

陽春已再經炎夏亦兩遇此身尙無歸抑鬱欲誰語昨夜
金飈來輾轉動百慮願爲雲中雕長風不我御鯤鯨翻海
濤欲掣手無具祇應和百蟲宵深訴絮絮攬衣步廣庭仰
意茗山館詩稿

卷十三

八

望天未曙風浪滿銀河明星動欲雨何能揮天戈扶桑挽
羲馭朗照消晦冥高縣布和煦豈獨霜雪苦踐履免麻屨
道在吾何憂天地本旅寓

見雁

銜蘆非復似年年繪弋驚心正滿天嘹唳一聲聽不得飛
飛還欲向誰邊

寄楊子城西石潭

端憂正多暇思君彌耿耿風塵見知難枉書感重省上言
寇勢窮下言道無梗轉徙望秋來漸可返閭井魂夢紛徘徊
悲欣默交併云何逾三伏消息斷鴻影風雨忽連宵淒
氣散遙嶺墜葉響微聽胡能不心警

精衛

微禽有精衛飛飛口銜石誓填滄海乾哀鳴血流鹽鷓鴣
笑雲端逍遙振長翮浮雲方迷漫二曜蔽昏黑狂瀾日滔
滔蛟螭盪窟宅夙恨焉得捐千載此朝夕閔之或媯皇天
地豈終極

爰居

爰居海上來大饗設鐘鼓羽族競相慕呼羣徧中土上聞
日月光下爲道路苦搏擊非無禽飲啄誘共處鸚鵡嚇相
避燕鶯復何數安得魯東門先與逐所主席幾天宇清干
戚刑天舞

鸛鶴

意者山館詩稿

卷十三

九

有鳥鳴味味不知是何族其來自南溟疑亦爰居屬高飛
託風雲倚媚此攫肉飲河異鸚鼠所欲但滿腹引類肆聒
喧不祥雜鴟鵂冥心嚇鷓雛播毒恣翔宿不亟毀其巢懼
貽魯公辱

欽鴟

梧桐不棲鳳止宿來欽鴟欽鴟結鷓鴣鳥帝旨曷敢違黨羽
聚海島肆毒來江湄窺窳與鷓鴣相引助其威飛爲鴻鵠
愁潛爲鯢鮪悲鼓翼久不去匪獨城邑災上天望垂閔誅
之崑崙隈

詠二鼠

昔有雙鳥今二鼠雙鳥不鳴已千祀二鼠乘亂肆齧吞日

夜啾唧鳴不止初曾盜食御廩粟狡黠不與凡鼠似一鼠
竊鹽身故肥一鼠餵豆羣受使哀哉蛇豕方乘墉鷹隼無
能犬畏死欲保城社一技無鬻熱賣寒但鼠恃倒翻益篋
人盡愁拱立衣冠爾不恥爲害豈獨牛馬膚自殘爾類利
爾齒毋怪江東呼作狼莫忘啟穴灌以水餘肉纍纍知何
爲貪黷從來出都市

閏七夕

不分今年兩度看銀河依舊隔漫漫謝他辛苦填橋鵲如
此風波渡亦難

聊自遣

漫道崎嶇世路艱物情本愧未能嫺懶遲報札交忘淡貧
意若山僧詩稿

卷十三

十

少遺縑迹近慳避弋孤鴻何處宿失巢旅燕幾時還栖栖
休更逢人訴有淚西風祇自潸

謁三賢祠呈輪香祠本輪香先世所建祀吳郡始祖

漢豫章都尉伯元公配以唐相忠宣公贈補闕甫

里先生甫里爲輪香所自出祖余則忠宣後裔也

瞻仰之餘聊志木本水源之感

江頭忠烈我祖祠

潤城有宋右丞相忠烈公祠

我曾慟哭知不知漫天

烽火欲何適涕淚又爲三賢滋三賢何人亦我祖都尉喪

歸葬吳土貞元宰相真忠臣江湖散人並千古几筵奔走

陳湖邊丹楹刻桷知何年相逢宗裔爲我說構造猶記康

熙前康熙迄今二百載世事紛紛幾變改春秋俎豆雖依

然前輩經營問誰在吁嗟衰盛原循環滄海亦見桑田還
何緣祖孫聚一室漢唐彷彿猶人閒我來瞻拜動歎息奉
祀看君髮今白耕讀無慙世澤絲衣冠未許時流讖躑躅
祠旁淚獨吞遭逢喪亂堪同論豈知乞食吹簫客亦是三
賢老子孫

徙居金澤留別錦谿諸君卽以志慨

錦谿接金澤計程不逾時非必勝林壑可爲游覽資所喜
賃廡值稍廉力可支徑起具舟楫便與鄰里辭鄰里雖不
多未免傷別離人生聚散緣亦復誰能知念從喪亂來倏
忽已再期遷徙久無定八口那免飢紛紛彼何人廩祿還
虛糜至今曲阿北日夜仍鼓鼙有謀竟不用歌哭知皆非
意茗山館詩稿卷十三

十一

西山望何處終當去采薇

宣公墓柏重青圖爲家雪亭

日愛

司馬題

柏圍丈六尺四寸高四丈有奇久成枯幹乾隆中北向
一枝忽重青吾宗甦菴太守繪圖徵詩傳爲盛事不知
何時爲婁水寄園主人所得後又入郡人瑤圃家今歸
雪亭輾轉藏弄不出陸氏其亦宣公之靈實呵護之與
雪亭重爲勒石作此以紀其事

武侯廟前柏參天經歷興廢逾千年霜皮鐵幹色未改詠
歎往往傳詩篇我家宣公輔唐室勳在青史人知賢忠州
一謫遂不返際會已感貞元編何致森森墓頭柏柯葉亦
茂部全神明造化豈無意北枝忽見青重延路人瞻仰

盡驚歎子孫那弗與留連自古盛衰本相繼循環理數原
無偏根之既盛葉斯茂何獨一木微芟芟江東後裔近非
昔重振或者機其先繪圖徵詩感吾族寶貴應未殊瓊璇
此事尙在乾隆世人謝代易圖隨遷收藏展轉幸默佑未
經他氏銷雲煙一朝落我雪亭手欲傳永久貞珉鑄我祖
神靈庶憑式先澤應讓君家縣獨嗟我老遇世變流離遷
徙哀江邊毀傷薪木諒誰禁心知失職原多愆上慙忠宣
下清獻兩廡回望空几筵今來訪君見拓本益令嗚咽言
難宣敢將家國無窮恨雪涕憑君寫此牋

酬胡海霞

其炳

茂才

世事日顛倒是非誰得知之子獨湛然寸心了無私固知
意著山館詩稿

卷十三

七

千載上抗懷自有師念彼昏妄徒曾本無妍媸因之昧黑
白何由辨雄雌釀成此禍亂岌岌將誰持自非古賢哲挺
生復今時法令破一切教化更亟施安得舊污俗壹變還
純熙抱此欲語誰四顧生涕洟嗚呼今與古世異人豈非
君雖坐田閒寤寐深瘡痍弓旌苟見招解褐辭窮扉焉知
蒿然氣不足銷鼓鞞我老復何爲慰勉慙孤羈一詩感持
贈什讀悽心脾

冬至舟中作

月過二十日六百幾日不作舟中客驚心冬至又今朝漂
泊依然說不得偶然繫纜荒村旁側聽有人自歎息夫死
從軍子未歸一杯那得重泉滴吁嗟乎一杯那得重泉滴

缺祭吾方感今夕

江南北賊久未平忽聞會侍郎

國藩

連復楚中郡縣

悲喜交集

風鶴頻驚尙八公忽聞捷奏楚王宮巴陵月落烽銷黑漢

水流平血染紅木筏竹籤憑縱火長龍巨蟹

侍郎所用戰艦名

快

乘風何當絡繹江頭騎飛報樓船一夕東

訪吳野人吳名奎順常州人以治骨角爲業憤賊未

滅仿紙鳶傳書法製飛礮欲獻當事盡焚賊巢而

無應者慷慨語余余高其義而哀其志作此詩以

贈之

偶然入城市道逢吳野人野人何所業骨角治共聞自言

意者山館詩稿

卷十三

三

無他願藜藿甘長貧所憤三城賊殺戮不可論流血徧郊

野暴骨連衢闔豈無桓桓眾效命如虎賁胡爲兩寒暑天

討猶未伸遇我意感激豪氣凌寒雲謂有飛礮法蟻賊可

聚焚便欲邀我去試辨假與真我聞起相謝身賤敢具陳

請看兩芒屨日夜江關奔有懷欲誰訴亦是聲潛吞願君

效明哲且自保厥身毋使泝泮統徒誚手不龜歸來感無

已白日堪常昏嗚呼忠義士恆必泥塗淪豈獨千載上慟

哭思夷門

寄家輪香

暑寒驚再更滿眼尙鋒鏑昨者來陳湖旁皇少人識相逢

同宗賢兩心頗莫逆所知雖未深真意覺充塞自言守蓬

茅城市遠足迹先人有遺書伏誦自朝夕問年逾杖鄉曾
未見兵革何意鼙鼓聲忽聽江頭急閱我居危城隻身幸
早脫非有尺寸權那能手擊賊躑躅空軍門陳書屢遭斥
拂衣復何之慟哭圖山側流離積經年妻子有飢色慰問
勞頓頗展轉動感激風化歎久衰世途愈逼迫非無平生
親類若道旁客虎狼況未驅白日正昏黑告訴知無門死
亡救焉得葛藟詠風詩獨君念彌戚此誼豈今人慨然想
古昔所悲人事乖風塵苦難息結鄰願終虛懷抱更誰釋
離別徒恩恩一水望遠隔風雪聽蕭騷思君意何極

歲暮雜感

驚心何處不烽煙南北相望路幾千敗驛荒亭淹白日饕
意茗山館詩稿

卷十三

古

風虐雪作殘年一生懷抱更誰向四顧流離還獨憐此夕
可堪茅屋底孤燈無燄對愁眠

芒屨奔走徧江湖回首登程盡畏途名姓竟同張祿未衣
冠還識管甯無何緣喜見牆頭蠅到處愁聽屋上烏幸得
有人縣榻待此來豈獨爲菹鱸

渺渺湖波帶夕暉金昌亭館望依微早空杼柚供團練欲
竭脂膏餉飲飛挾彈探丸愁未已轉芻輸粟事全非尋常
來往官塘路容易全家載得歸

鷓鴣蟀怨自春秋蹤迹萍蓬祇獨愁不爲關河成喪亂可
堪風雨有句留松陵月落曾停屐陳墓湖平記放舟舊侶
新知都別恨爲誰扶病一登樓

北斗南箕幾度看風聲遠挾角聲寒歌傳易水魂猶壯夢
繞夷門淚未乾舊日弦歌同調盡他鄉生死隻身拌此情
欲共何人訴目斷滄江路渺漫

毘陵帶水接蘇臺曾此談兵一權來保障何心功自敘驅
除有願愧非才嚴城不啟西風緊戍壘重登落日哀太息
故人今宿草出關那弗更徘徊

曲阿西去路冥冥惆悵經過雨正零白骨亂堆新舊壘青
燐低引短長亭篋中殘破英雄傳袖裏模糊山海經悽絕
空庭看夜夜幾時弧矢直狼星

驅馳依舊任戎車往事追思涕淚餘馬援據鞍空聚米

子楊

安曾繪潤州山川圖送營

陳琳磨盾枉傳書

楊子城與懋兒事

功名一代歸傭

意茗山館詩稿

卷十三

五

估忠義千秋奮棘鉏爲報丹徒諸父老此身拌得付溝渠
長江滾滾下寒潮天塹從來話六朝卻憶相陪崔郡守可
應還問漢票姚終宵鼙鼓聽猶急他日風塵恨未銷誰信
書生能報國滇南萬里路迢迢

崔公光笏守郡時亦謂洲兵可用今觀察滇省

餉匱兵驕事可知中流擊楫更誰思縣車北固都成帳飲
馬秦淮竟作池但使蠻夷還絕徼豈煩煩牧更同時如何
滬濱城邊路一任輪船上下馳

黃埃莽莽凍雲昏極目河山總愴魂草木變衰愁更數蟲
沙淒切化休論旂常勳薄宋提貴鈇鉞權輕令甲尊留得
是非青史裏千秋哀怨自長存

相逢休便賦同裳世變紛紛祇黯傷抱負幾人思管樂從

橫有客自蘇張關津寂寞潛狐兔城郭淒涼聚虎狼四海
無家成一哭牛車輓輓送斜陽

連天劫火尙昆明薪木何須問武城賈誼有書成感激申
胥無淚灑從橫吹簫今日原知賤擊筑當年豈爲名便欲
盡刪游俠傳不教慷慨誤平生

漏聲寂寂柝聲沈雨雪更番歲月侵書報親朋無好語路
窮僮僕有離心蘭成短檠身南北子美扁舟事古今不到
襄陽問耆舊豈知梁甫有高吟

顧影悽然兩鬢皤茫茫身世竟如何憂讒肯信銷金易論
事徒悲鑄鐵多坐甲裹糧仍日夜絕河斷港亦風波故園
風景知非昨戎馬何堪更屢過

意茗山館詩稿

卷十三

六

得歸閒道尙爲人皮骨空存歎此身待拂旌旗回日月更
移劍佩近星辰垂流願已孤縈網厝火憂仍看積薪門戶
傍他驚歲晚桃符休換一番新

意茗山館詩稿卷十三終

孫潤庠曾孫家振校字

意苕山館詩稿卷十四

元和陸 嵩希孫著 男懋修九芝校

乙卯

元日偶書

衣冠不著杖休扶
隨意詩牋墨亂塗
黏向壁閒憑客看
便應算我歲朝圖

上海

乘亂姦商聚傷心
此盜兵嬰城經兩載
浮海忽三更捷遂
連營報人還盡日
驚華夷看雜處莫
道卽承平

人日

鼓鼙聲裏記迎春
拌得溝渠付此身
忽看泥金傳帖子
始意苕山館詩稿

卷十四

知今日又逢人

家雪亭招飲

芒屨踏破江頭路
歎息有懷欲誰訴
非關世事多變更
自悔生平讀書誤
感君念我戾運遭
此身正未知朝暮
本無紆難於菟家
妄效登城倉葛呼
聒耳休怪人共迂
哆口那免世交忤
不見烽煙滬濱城
潛銷忽報隨雲霧
底須修甲同仇歌
會看論功捷書布
凡事成敗俱有天
況乃安危罔非數
我聞真是夢乍醒
明朝便擬君齋赴
有酒且復一頽然
僵卧安用知其故

代簡招胡海霞小敘

相逢休厭往來頻
放眼如君有幾人
草具亦知難供客
今

朝應識老夫貧

驚聞蘇城戒嚴事定後作

譌傳上海賊分竄及蘇郡此事固應防虛實豈須問自從
粵寇起所至痛蹂躪大小數百縣剽掠免知僅蘇城號富
饒商貨聚琛賚賊涎久共垂待時未有豐近看市廛閒土
販雜充物招邀更博徒棚席處交溷肆凶不避官游行恣
挾刃此輩從何來不除禍轉瞬倉皇際今朝正恐暗思奮
筦鎗但六門鎖禦令亟徇閭豈遂安勦撫兩休論所望
金焦西樓船下飛迅撻伐威大張餘孽盡一燼庶幾懷王
章歸業各安分不然虎狼凶迹未深山遯逞毒敢便忘罷
鬪獸雖困輾轉杞人憂傳聞望誰信故鄉歸何時昏眼歎
意苕山館詩稿 卷十四

二

空技

寄董竹初甥

乾坤轉無期歲月逝肯再流離心暗驚兩見暑寒代念我
知何人切切永寤寐傷哉我同氣存者僅一妹路遠見本
難遭逢况顛沛一書憶昨秋漫滅認紙背心知必我甥未
識我所在輾轉託誰何幸竟入我袂開緘忍細看語少我
不怪但欲知存亡豈暇問瑣碎草草述母意一字真一淚
平生寡兄弟此痛識誰慰可憐老病身奔走尙無賴江頭
鼙鼓聲驚聽又改歲何時得銷兵重令返征旆平安報汝
知期汝復來會近知汝讀書俗學頗能悔經史抱日夜聖
賢樂晤對曾懷多古人超異自流輩我雖憂患中聞此亦

大快報書恨恩窮鄉少人賚達否誠莫知相望祇增慨
復此一告存風雨感瀟晦藉汝語二親眠食姑各愛

懷潤城諸子

平時來往二三子一別茫茫判生死不因今日見面難那
悔從前等閒視就中難忘尤二楊彭齡履泰殺賊江頭尚共矢

劉生暹一權來蘇州慰勞殷殷語不止逢人問訊還曹庚

張春第患難相憐更嚴允李玉德今皆不見可奈何有夢何能

越江水幾度丹陽聽礮聲依舊豺狼滿城市牙旗玉帳知

何爲坐甲裹糧只如此近聞楚北賊盡平更報山東寇全

靡堂堂天上眞將軍指日南來心大喜又恐傳聞或未眞

自禱空庭夜數起便擬京江尋故人徑向門前舟楫理京

意茗山館詩稿卷十四三

江雖非我故鄉居久亦得桑梓比況是詩書琴瑟旁嘯歌

無閒雨風裏安得妖氛一夕銷執手重教訴瑣尾聊復臨

風寄數行擲筆仰天歎無已

哭周僕

聚人成宇宙所繫惟一情誰能死生際漠然如平恆我家

有老僕周姓馥其名性愚不識字服役頗樸誠待我二十

載夷險無變更自我奉官檄涉江募洲兵爲我守行李隻

身居東城賊來忽如蟻殺戮看從橫閉門不肯去頸幾遭

其刑幸免急奔告傷哉此餘生我時罷徵召躑躅方郊垌

勉強爲慰勞涕泗紛霑纓官軍望日夜亟予驅鯢鯨如何

兩改歲寰海仍未清轉徙痛靡定道路時各驚勞苦積日

久百病汝躬嬰尙思撤防戍爲我歸裝營豈意忽今日精
脫亡隨形驚看更何道急遽囊愁傾草草爲棺斂喚汝肯
重贖汝雖有兄弟道遠喪誰迎姑留義豕側待我辭荒荆
汝魂儻可招定與汝同行所嗟今年來衰病我日增此願
豈竟遂但自呼蒼冥嗚呼死別慘豈非人重輕況同處憂
患僮僕猶親丁扶杖起相送那免一失聲問年正乙卯月
寅日逢庚紀汝死亡候聊以慰汝靈

家輪香饋米寄謝

彈鋏性所恥珠履戒輕跋奈遭喪亂來日食苦不給感君
頗我憂失身或筐篋遠致米一船得比珠萬粒家人盡歡
喜僮僕亦嗚咽念彼江頭路兵戈未休戢滿眼看流離充
意荅山館詩稿

卷十四

四

賜少升合獨飽我何安此心那自慊君況非素封推食能
徧及慨然效指困誰謂但周急此誼感勿設真欲肌髓浹
作詩愧古人敢比乞米帖

抽釐行

軍門日夜商勸捐殷勤諮訪惟鄉官鄉官居本市廛近持
籌握算心能專大戶已空小戶盡藏匿難防孰能信別有
上策名抽釐設局鉤稽得容隱紛紛盤詰勞關河銖分黍
取原非苛紓難底須家自毀謀身還道功偏多可憐剝掠
滿行路愁苦閭閻已莫訴堪更盤查關柵連來往何人敢
朝暮君不見鉅橋發粟周以昌臨安搜括宋乃亡盡除苛
政望當事權聲豈獨騰金閭

家雪亭枉索近詩題句答謝

平生嗜佳句敢望萬口傳
哀怨訴切切聊比彼寒蟬
江湖況滿地行路知益難
誰能雨風際獨見一星乾
側身此宇宙俯仰何繇寬
羨君守巖壑疏水亦得安
一詩感相貽諷詠悽脾肝

得楊子城雲陽書感寄

尺素江干已久沈
一緘深感故人心
挑燈不厭千回讀
可但家書抵萬金

幾行淡墨字
敬傾都是模糊淚
點成回首平生誰得似
始知患難有交情

趙漁吟金澤鄉人也以賣魚爲業性嗜酒得酒則爲

意菘山館詩稿

卷十四

五

人畫茶筆墨閒雅有深致
人皆呼爲趙菜不作畫
時衣蓑戴笠依然漁父此鄉一奇人也
余以扇頭乞畫作此酬之

平生嗜酒兼嗜茶
寫茶常憑酒醉時
莫道菜根人共齧
此中真味祇君知

終日磯頭伴釣徒
得魚歸去酒誰沽
興酣替寫田園景
爲圃爲漁任我呼

旅館題壁爲寓主人浦秋圃作

遭逢患難誰我憐
流離遷徙經三年
囊空那更有餘粟
爨虛已是常無煙
江頭烽火尙如昨
歎息全家欲何託
逢君慷慨讓宅居
此誼於今不爲薄
雨雲翻覆悲成風
斯世豈

有皋伯通吁嗟乎如君何愧皋伯通只我自笑非梁鴻

楊靜山遺照爲令子陶三題

醇風豈難追令名貴各保親長苟人人犯亂世知少我自
患難罹感此每懷抱頗聞楊夫子鄉里共稱道出入孝弟
修訥敏言行好瞻卹先家庭有食不獨飽餘願兼濟物仁
愛及枯槁王政本人情務遠實始小世人好議論是非日
顛倒毋怪邊豆間默已干戈造誰司教化權曉諭奈不早
斯人雖云亡貽謀尙遠紹耿耿顯揚懷亦足薄俗矯安得
羣盜平人心徧滌深選舉更變通潛幽重旌表遺像我幸
瞻私衷令憂情

將之雲陽雪亭用杜集簡蘇俟韻作詩贈行依韻酬

意茗山館詩稿

卷十四

六

之

避兵東西走兩腳真如蓬徒令顧家室汲汲三載中一語
不敢發君意感獨重贈詩厚相許豈獨閔我窮知我抱痼
疾有藥不得攻且教試飲酒塊磊消心胷慨然念諸將養
寇方成風但傳青海箭莫挂天山弓連烽尙楚北糜餉仍
江東何日金焦閒飛報賊壘空一片子敬甞得復還衰翁
凱歌定高唱此願知君同世人競予聖罔辨烏雌雄誰能
詢芻蕘筮易占擊蒙

仲夏自雲陽病歸幸得不死而秋已中矣甫能起坐

書此以志懷歸之感

觸熱赴雲陽舉目萬憂集二豎驟我欺神昏氣短怯人事

略不省性命視呼吸兒懋侍我行同帆挂岌岌中途潰兵
遭爭載肆奪劫幸免殞其手得復寓廬接醫藥痛貲罄搜
質倒空篋呻吟牀席閒家人守環泣我豈多罪辜罹譴百
未十天故遣我還備受世檻桉暑徂秋漸深扶杖起顛踰
忽聞京江營一月正三捷蘇城得安居便擬理歸楫消息
或未真檢點姑行笈驚魂定何時夜夢尙多魘

將返吳門留別金澤諸子

人生重離別況此患難時誰堪冒鋒鏑南北紛驅馳自我
來金澤淹忽已一期傳烽尙遠近行路多危機深感里中
賢遇我如舊知問訊少暇日慰勞無虛詞或攜酒漿過或
持菽粟貽閱我遭禍亂憂我時寒飢此豈今人識庶幾古
意茗山館詩稿

卷十四

七

人思所嗟我昏耄何德堪當茲兒懋更淺學追隨愧彌滋
就中骨肉愛海霞尤獨私藹堂里中望戟門亦經師二陸
溯淵源非徒託宗支買鄰必千萬舍此將何之獨念先人
廬未能棄如遺缺祭矧已久夢寤恆於斯得歸那弗歸言
之淚如縻西風起颯颯蛩響增淒淒明年儻重來定指秋
爲期

舟行過高墊湖遇雨投袁青士

蘭升

所居渡橋泊

晨發金澤鎮暮指高墊湖湖波望無際四面圍菰蒲時平
片帆挂瞬息臨姑蘇自從三城陷設卡紛衝途高墊亦險
要盤詰多勇夫橫行肆劫掠行李皆艱虞撤防雖此日竊
伺仍姦徒雨風況颯颯還毋乃身憂孤渡橋不數里煙樹橫

模糊中有幽人室嘯歌出菱蘆返權急尋訪塞漏愁攀柳
衣囊盡沾溼僮僕生怨呼主人歎何往叩門空踟躕人生
行路難豈必江海逾風波起咫尺荆棘生座隅安得寇氛
靖老死先人廬

寓鄰浦蘅蕪隱於市人不知也皆以白鬢呼之獨與

余善風雨中相送至蘇感之而贈以詩

東鄰老兒號白鬢眼中不識詩與書一生任俠性未悔直
欲上與古人俱知我全家故園返欲留不留恨已晚爲道
蛟龍滿江湖未殊虎豹潛坻阪慨然仗劍送我行掀髯豪
氣猶從橫誰言世風日輕薄如君肝膽真堪傾

到家

意菖山館詩稿

卷十四

八

辭家又兩載歸後轉悲吁牆壁蛛絲胃庭除草蔓蕪經旬
猶待掃一病未全蘇最是先祠拜腰肢尙欲扶

中秋寫感

佳節驚逢那得權廿年爲客本無端亂中強說還家好病
後原知久坐難愁遣桂花香入幔懶將菱角味堆盤劇憐
京口樓頭月此夕何人更共看

雲陽感事

扶病赴雲陽風塵尙滿目紛紛烏雀羣爭栖已高木豈知
雨風狂日夜撼華屋秉穗已無遺那得恣攫肉我來不逢
人疇與話心曲徘徊大道旁往來看蹺軸揚鞭竟相過心
豈識傾覆礮聲殷如雷習聽了不覺仰天一長歎自向江

頭哭

黃泥壩招楊子城入舟話舊兼簡楊子安

一帆竟指黃泥壩招取楊生入舟坐相看同是患難餘各
話離蹤了難罷憶從倡議居南鄉不恤奔馳忘飢餓鋌
奮起爭田閒未必黃巾不可破建牙樹纛彼何爲別有奇
謀肯相借我行不用亦已矣忍淚吞聲起長謝同時草檄
憶子安與君投筆各誇詫景升兒子嗟何知懋兒亦借赴各村勸募
也許相隨共田舍往事追論已兩年重逢那弗頭顱哥君
聽礮響今依然堅城誰許偏師下

諫壁投劉伯純

同是青氈坐擁人相逢患難兩相親此情可但當時感別

意蒼山館詩稿

卷十四

九

後思量倍覺真

一日三秋苦爾思臨風休怪寄書遲略無好語憑君報只

恐開緘淚轉滋

一卷新詩出袖中蓬窗展誦恨怱怱年來蹤迹聊憑識也

抵連宵翦燭紅

烽息無時祇各傷暫時相見總茫茫明朝便擬揚帆去載
得離情又滿航

辛豐

乍可辛豐到怱怱又曲阿尋常來往路今日幾人過衰柳
棲鴉少枯槐繫馬多榜人私說與昨夜此風波

毘陵過洲勇營有感

江頭烽火尙驚傳幾度經過此慨然睨劍更誰思短褐扣
輪惟是惜空卷三年零雨遲還戍萬戶淒涼急倒縣但免
澠池過一步底須借箸恨無權

冬日寫憂

病起踰五月腰腳尙未健出入需人扶客至畏相見差喜
鄉里疏杜門得自便昨者冬至逢先祠藻蘋薦再拜頗覺
難呼兒代終獻缺祭痛客途到家又焉怨嗟嗟此藉盤於
我本何戀躑躅徒軍門迂儒世所賤觸忌乃罔知往事不
可諫幸免雖當時涕淚尙滿面引疾復未許知幾恨不先
徒令顧室家乞食窮鄉徧暑寒歎屢更烽火報仍珣我罪
知何由輾轉荷天譴顧此衰病軀堪更迭遭變雨雪正欲
意君山館詩稿卷十四

十

來飢寒那得遣仰天望江頭不絕憂如綫

得李雨人

承霖

學士書寄此奉陪

閒道書來驚喜頻江南江北尙風塵豈知涕淚開絨滿可
但流離各話真詩廢蓼莪悲此日歌傳杕杜待何人漢廷
正是思蕭傅鄭重他年報國身
輕裘肥馬日紛紛寂寞荒村獨有君鐵網正煩滄海護銀
魚休便碧山焚權情一夕隨流水離思三年付斷雲拌得
西山採薇蕨青甕留取答殷勤

丙辰

新年漫詠

故園風景看依然門貼泥金字字鮮烽火漫天誰得管客

來只道賀新年

風雪連朝覺倍寒
藥爐茗椀當椒盤
病中心事愁中景
併入吟牋祇獨看

嚴子秋自金壇來訪贈句奉答

驚喜相逢患難餘
此身無恙轉欷歔
一生仕宦都成夢
是處田園好卜居
厝火積薪憂未已
乘風破浪願知虛
傳來一語還堪羨
閨閣吟聲尙繞廬

書子秋所題歸去來辭詩後

淵明負經濟
非必無宦情
一賦歸去來
浩然謝簪纓
此意良可思
微祿彼徒營
君歸豈不早
世難偏躬嬰
可憐邗江柳
不作柴桑青
田園歎蕪沒
書劍悲飄零
慨然寄懷抱
嘯意茗山館
詩稿卷十四

十一

傲猶平生誰謂干
載上高風渺難衡
風塵看今日
莽莽何時清
反覆誦君詩
涕淚沾余纓
風雨中有索逋客
至無以應之作此解嘲

典質方愁到布衾
無聊還爲一長吟
雨風聲裏門誰叩
敗興何須租吏臨

春感

繁華不改舊承平
誰遣春來百感生
白屋雨風鳩獨喚
朱門簾幙燕同爭
傳杯落日情何極
燒燭深宵眼獨明
試向高樓西北望
幾家臺榭未全傾

高資官軍失利中丞吉

爾杭阿

公殉難

宵傳賊犯高資營
營中大將氣不生
中丞聞報握刀起
馳

救不復須平明履及窳皇劍寢門一怒直欲吞鯢鯨賊聞
中丞至解圍倒旗幟中丞亟合營賊圍勢彌熾矢盡糧絕
三軍哀奪圍欲出天昏霾呼聲動地還如雷自忘重寄徇
小勇但輕一死何爲哉嗚呼中丞死已矣江北江南亂誰
弭諸將若盡如中丞安得寇氛尙若此

揚州復陷

鎮揚使者知爲誰森嚴號令真如雷大開軍門盛歌舞勸
捐日夜窮民財淫掠婦女復縱子民怨未已兵怨起江南
賊勢方滔天鉤結潛通祇一水須臾流血尸從橫城中城
外無哭聲使者竄身獨何所草閒猶得全餘生嚴譴旋聞
下丹詔百萬生靈已莫告安得明朝天怒回亟予櫬槍
意茗山館詩稿卷十四

主

盡除掃

重至丹陽不見一人改權金沙作

舊日丹陽路重來不見一人始知離亂後消息總難真勢豈
黃巾散營空細柳詢金沙還一權祇自閔勞薪

金沙遇吳菊青

汝渤

有贈並示丁小坡

士良

我未識君知君名向者藉藉誇張生

謂詠仙

嶙峋風骨邁流

俗非但下筆驚從橫英夷犯順紀辛丑殺氣高騰四明口
督師何人裕節愍慷慨知君誓同守君知衆寡勢莫當感
公知己恩難忘勸公報國忠自矢公真與城俱存亡如君
豈愧古豫讓何必漆身自悲愴我曾經過國士橋流水重
聽氣猶王今來相見金沙城推襟送抱如平生勒銘未拂

燕山壁磨盾仍隨細柳營太息丹陽遇兵潰行李倉皇識
何在芒屨徒步空復愁雲樹淒迷日昏晦丁君年少氣尚
豪開筵慰勞風蕭騷縱談時事聽拉雜酒酣拔劍歌聲高
可惜張生早黃土肝膽無絲共傾吐我今盡室悲流離再
見茫茫定何所驚傳賊勢方披猖聲聞擊柝此旁皇君看
肅肅銜蘆雁萬里雲羅祇各傷

聞溧水失守恩恩返棹

忽傳溧水陷聞信雜驚疑豈謂金陵戍全教白土移乘虛
因直入得聞或潛馳一權恩恩返危哉祇獨知

無錫夜泊

計程三日到風逆恨偏遲行客多驚色舟人有怨辭亂鴉
意菖山館詩稿

卷十四

三

看不定歸燕欲何之今夜梁溪泊安眠尙未知

向帥退守丹陽蘇常皆震有遷徙者

王師十萬金陵圍羽書日夜江頭催更番報捷踰三載旌
旗胡忽丹陽回飛章告急且復暮賊騎充斥從天來臣罪
萬死臣力竭勢孤尙恐蘇常危蘇常聞之大震動探報絡
繹飛黃埃富者遷徙貧者哭哭聲直上通雲雷自從高資
失險要東西一任驅狼豺若更龍潭被衝突全軍孤注將
何爲倉皇退守未全失整旅亟望旌重麾所恨中丞死傷
勇坐令勢失鋒交摧九華山頭一同望陣雲莽莽猶深埋

句容復陷

乍聞溧水失又報句容陷句容指丹陽計程百里欠金壇

亦相鄰直下慄窺闕地皆逼毘陵一水通激濫危哉常州
城防截孰知念我昔募洲勇駐此衆未厭忠義誓各懷教
戒自忘僭汪趙皆搢紳我賤豈足忝汪今雖云亡趙在意
難淹一旅可復興焉必萬夫兼殺氣方高騰兵刃邗容斂
燒燭夜頻看耿耿縣腰劍

曹二香自上海來卽之金沙

我從金沙歸君向金沙去紀時五月望問訊了無據送君
甫十日報警忽忽遽舊時絃誦鄉今作戎車路歷歷津亭
閒徧布公超霧君到將何爲返權儻朝暮起視雲中鷓
跼墮無數憂疑夢得安傳聞莫或誤踰月君不來愁更斷
尺素消息知漸真無翼飛難附蘇城紛遷徙我亦日驚怖
意菴山館詩稿卷十四

古

不雨

不雨經三月揚沙欲滿城可堪兵亂後復見旱災成米價
愁頻問烽煙報屢驚最憂河水涸舟楫斷行程

城中聞警俱徙袁青士知余貲罄放舟來迂感而紀

此並寄胡海霞

壇溧皆告危陽常日傳警擊柝聞蘇臺昏慘迫朝景潛伏
湖廣匪煽亂久思逞殺人漸市中出入挾霜鋌遷徙暮復
朝倉皇各悲哽嗟余囊久空那得行李整水涸況城河坳
載無一艇深感胡與袁馳書切警省袁居接葑溪稍近易

合併放舟亟相迓流涕滿頤頸呼兒率婦孫先我就舴艋
魂夢已得安短燭且宵秉朋友豈不貴急難恃同拯兩君
具俠腸朱郭古應並懋兒得與游邀福實深幸卻望渡橋
雲切切自延頌

渡橋投袁青士

紀時夏六月二十日有五放舟赴渡橋怒颿忽前阻兩日
始得達行路豈不苦君聞亟遠迎赤日正當午此感可復
言默喻但肺腑路雖近葑溪僻猶勝城府若幸丹陽保蘇
常獲安堵故里許重還灑埽先人廡君來定懽然厚誼自
終古清泉聽泠泠垂楊撫縷縷三宿非空桑一生本逆旅
剪燭且今宵高談忘悲懽

意菖山館詩稿

卷十四

五

又簡青士

機槍朗朗斗邊縣閒望空庭各黯然且食蛤蜊知許事得
分齋菜總前緣遼東阜帽人誰識杜曲長鑱世共傳但使
琴書安一室未應便棄舊青氈

望雨

盡日東風一雨慳誰將枯淚灑田閒彼蒼應識民生苦祇
有農夫不肯閒

空聽朝朝屏水聲脂膏已竭痛民生何人手把經綸挽不
使雲雷萬里行

莫問箕星與畢星幾會風雨到空庭蛟龍只管深潭卧一
任哀祈總不靈

但見原田長草萊更無涓滴助瓶罍若爲霖雨兼舟楫要
望商家傳說來

驚聞金壇被圍有懷城中諸友

見說金壇縣紅頭一夕來溝濠堪涸竭城堞豈崔嵬制梃
思田里量沙望將材蒼生吾敢問獨爲故人哀

連日得雨不及一寸

昨夜前村報得雨三點兩點奈何許朝來急上高樓望薄
雲尙見回空字須臾吹散又東風旭日依舊當天紅老農
日向田閒哭屏水水涸勞成空遷流已極兵戎害彼蒼豈
亦忘仁愛昏黃漸瀝聞簷端甘霖或者崇朝沛關心時節
過立秋荒成終爲蒼生憂

意菖山館詩稿

卷十四

六

胡海霞書來招同懋兒至斜塘看寓

斜塘接金澤西去廿里餘言可一水達中有隱者居門前
繞流水四面環桑榆市遠客來少亦不愁無魚雖只三楹
屋差可安琴書橫流正滄海得免託牛車此意重感激焉
用生躊躇兒行且相報涕淚全家俱

留別袁青士

綠楊暫作隔牆鄰欲折柔條倍愴神他日寫來圖畫裏兩
家人作一家人

移寓斜塘中途遇雨胡海霞留宿一夕

扁舟發渡橋欲去未忍去西南風打頭意若默我喻推篷
看湖波鷺浴何閒豫兩岸聞歎聲禾槁更安語立秋過十

日暴尪亦奚據我命嗟遭迤急雨此偏過幸早抵金澤故
人話絮絮塞漏呼褰裳僮僕起恩遽遷徙經四年無多本
家具尙餘未鬻書沾濡料豈預餽破顧何益翦燭且待曙
卸帆一炊時回首自歛歎

寓齋遣悶

小橋流水自西東門對斜陽曲曲通若是太平無事日此
閒儘可駐游驄

幾會伴侶結樵漁到處浮家願本虛可但詩成時有識悔
題楹額卽吾盧

南北驅馳祇自傷一生蹤迹太茫茫魏塘卜築思前事今

日何人識沈郎

嘉善沈鶴沙會約結
鄰此卽嘉善地也

意菖山館詩稿

卷十四

七

全家暫此避風塵莫道團圓樂便真總望敝廬無恙在子
孫永守識先人

攜李訪沈廉仲不值

一自江頭別相望思不禁寄書知未達有夢恨難尋曾否
瀧阡表空爲梁父吟定知採藥去莫便入山深

杭州道中雜詠

牽夫赤腳水中行觸石挖泥路不平何處秧歌還入耳終
宵只聽踏車聲

兩日方教新市過近來絲價問如何蠶桑原道今年好只
怕抽捐折本多

蘇州南去接杭嘉來往船多趁日斜經過幾亭更幾墩不

知何處有盤查

道路誰知世變遷
買絲抱布自年年
相逢卻說杭州好
不使蘇州當十錢

繫纜船家酒自沽
相逢橋畔遇樵夫
不知世有干戈事
只問蘇州水淺無

塘栖屈曲指餘杭
阿妹思兄定不忘
悵客囊羞澀甚
但憑夜夢話倉皇

武林訪葉青原觀察

同是曾經患難人
重逢那弗一沾巾
卽看今日油幢擁
可憶當時燈火親
問絹胡威原早識
陳書賈誼竟何因
流離未定身
先老再見他
年事豈真

意苕山館詩稿

卷十四

大

與葉香涑

柑齋

夜話卽以留別

卅年不見恨漫漫
亂後重逢強自懽
往事共論真若夢
離情欲訴苦無端
隻身靡定歸何有
八口誰依死亦難
此日羨君惟一事
眼明先我早辭官

宦蹟誰思古廩邱
一錢選得至今留
本無南郭吹竽願
儘許西湖載酒游
喪亂頻經君亦老
飢寒難免我方憂
明朝一櫂江頭返
贏得相思滿客舟

得里中親舊書

潮人習械鬪乘亂
潛蘇城殺人視螻蟻
搶掠時從橫
大府不敢禁
癰患知終成
容湫況新陷
消息方同驚
忽聞郡守薛
驅馬來華亭
威名夙自負
訶詞誇微行
揮刀突午夜
督

捕鷲雷霆巨魁既逃匿餘黨皆誅隸時正中秋節皓月當天明閭閻起爭賀置酒歡同生寄書感親舊馳報無留停上言敝廬在下言道路平胡弗整歸權誰能俟時清我意豈不爾念此涕頻傾遷徙已十二貲竭愁津程奮飛少長翻仰望空蒼冥

沈廉仲自嘉定來卽別

暮靄橫空冥炊煙上墟里胡來剝啄聲披衣姑徐起開門始知君握手雜悲喜君歸自嚶城迂道此至正問我喪亂遭於此幾遷徙我欲爲君訴不知語所始請看天上雲浮蕩那可擬又如江頭萍飄流識何底得失本雞蟲死生亦螻螻所嗟水火中民命救何以我但憂一身此念知可恥

意菖山館詩稿

卷十四

九

君家先司空生平感知已相期負深慙逢君自隕涕君兄官京師君居保桑梓願各振家聲青史姓名紀毋徒逐時賢蒿目忽瑣尾此言質重泉或未先公鄙若云一日長覩顏實倍蕙談深宵已闌秋蛩助獻歛送君歸扁舟離情動河浚

憫蝗

江南本無蝗鄉民每不識何自來田間但欲稻頭食可憐今年夏寸雨望不得屛水聚老稚日夜少休息筋骨歎曲踰肌膚痛焦黑視此半枯稻都是農夫力登場堪尙運轉盼盡螟螣告訴苦無門飢腸自煎迫念昔乾隆中此災盛南北相傳桂林公陳文恭宏謀撫吳動憫惻檄捕督有司勤惰

紀冊籍稽古備諸法焚瘞徧阡陌往來城鄉閒真若已飢
溺毋怪憩棠陰至今感遺澤烽煙今未銷民食若復竭死
亡正難知四望欲何適

憂來

一室病未已余亦苦不支愈痛少陳檄驅瘧無韓詩道梗
藥物廢年荒柴米思西風動瑟瑟憂來欲誰知

將之玉峰家研深約先至其家坐令子實甫試船去

時兒孫輩已留實甫寓

預恐乘風便揚帆直過門卻教攜襪被先與泝黃昏離思
烹茶話家常翦燭論感君三載意愛我及兒孫

玉峰寓感

意菴山館詩稿

卷十四

三

無端十日此逡巡卅載還留未了因城郭依然風景換重
來非復舊時人

漏鼓頻聽試院催白袍門外感徘徊莫疑此客渾難識也
是東塗西抹來

舊恨新愁一夕併思量往事總傷情笛聲忍更山陽聽白
髮相催我自驚

流浪江湖淚暗吞賣書鬻硯自朝昏青氈差幸還留得又
看名場逐幼孫

遇顧蘭厓

翊 話舊

秦淮一別兩模糊卅載重逢話得無世事共愁棋局變名
心休恨燭光孤談經室靜雲窺岫修史亭高月射湖祇恐

風塵猶莽莽聞鷗未許逐鷺鳥

張芑塘

運豐

枉過

四十年前事君來話未忘驚看俱白髮愁問獨青箱時局
浮沈悟人情冷暖嘗知君心澹泊羞逐少年場

由玉峰至蘇將赴斜塘移家旋里

三月辭家計未疏入門滿眼已歛歛蟪蛄在戶伊威室先
與庭前惡草除

高樓依舊帶斜暉那有依人燕子飛真箇到家仍是客明
朝便擬一帆歸

楊子城書來以諸生貢舉之資將爲大營移作軍餉

欲余求援於學使者因重至玉峰

意菖山館詩稿

卷十四

三

鎮江讓賊居相持踰三載糜餉知幾何窮黎痛飢餒堪此
養士資復欲兵食改呼叫徧諸生傳聞實可駭金玉等泥
沙血肉盡稍蟹彼蒼夢夢上訴應真宰我忝師儒居忍
看章縫殆省書紛涕漣挂帆敢稍待監門世豈無杜牧言
何罪

喜袁青士游庠作詩以賀

青士負雋才尺蠖久知屈今來得臬盧聲譽起蓬華世情
安足論蟲雞笑得失自我居君家知君先名實內行敦古
人孝弟自一室疏水甘平居衣冠務樸質暇時誦遺書目
光炯前哲上爲廊廟資下作閭閻律願君堅初心紛華慎
毋悅宣室思陳書草廬可抱膝出處待重論時清望何日

贈虞山王寶芝 振聲 李廉

旅館無人過逢君得暫親相看多道氣太息獨風塵入世
心偏苦憂時語自真如何明眼客曾未見輿薪

復自斜塘挈家旋里

浩然鼓楫還故鄉卻望湖水心茫茫此行計日最爲短已
是隔宿無餘糧糧盡途窮欲誰訴死生只合彼蒼付但望
得過此荒年幸免溝壑豈非數我思獻策京江營日夜痛
哭心憂驚遭讒觸忌幾戮辱得歸且自全餘生吁嗟乎遭
讒觸忌留餘生性命真已鴻毛輕何必驚波駭浪爲此僕
僕江頭行

寄邵子顯

意菖山館詩稿 卷十四

三

昨者還鄉未解囊入門先見米一斛亟問東鄰寄者誰但
言來自婁江曲心知此必我故人念我栖栖或枵腹致此
聊供朝夕炊重索來書不盈幅相思都在無言中何以報
之盡一哭知君生計今亦艱家居況久無閒祿解衣推食
猶當年世有其人豈非福整冠肅帶且臨風敢弗敬拜仁
人粟

方雲壑 其洪 會以冬至寫懷詩見寄遲未奉和今歲

將闌寄此以誌疏懶之愆

兵戈叢裏閔驅馳感激相逢涕淚滋意氣獨於今日見性
情還令古人思仲宣作客聊成賦子美憂時祇詠詩慙愧
報書遲一月紛紛雨雪歲驚辭

簡沈玉生

親故都非昔相隣獨有君
雨風時過從裘馬任紛紜
學道心知負謀生計苦殷
兩看頭白盡何以慰離羣

意茗山館詩稿

卷十四

三

意茗山館詩稿卷十四終

孫潤庠曾孫家振校字

意菖山館詩稿卷十五

元和陸 嵩希孫著

男懋修九芝校

丁巳

新年招諸弟姪小飲

年年總說補蹉跎又入新春喚奈何室有舊醅聊共倒市
無兼味且相過自經憂患餘歡少各話家常老淚多差喜

阿咸詞筆好家聲還望振巖阿

時辰生姪
試列高等

讀醫書口占

醫國何人是上工瘡痕滿眼望羣公近來不用問詞賦卻
恨靈樞讀未終

辛豐撫卹局示楊子城

意菖山館詩稿 卷十五

一

遭難悲諸生流離慘鶉結楊生獨慨然設局事撫卹勸捐
欲何人各自私家室但餘公車資官侵未什一幸免養兵
用差可局中撥人給二千錢事已兩閱月奈何孳孳徒競
端起錐末禮讓竟罔知聚羣務攘奪郡伯頗畏難欲余共
稽覈持籌余豈諳謝免更憂結濟人但乘輿漆洎得盡悅
孟言良可思古今事不易若欲平瘡痍終必干戈徹急散
無用兵毋使脂膏竭恆業得各安養食或無缺庶幾廉恥
心平且漸萌孽乾坤有瀕洞日月終光烈倒懸望急解誰
與此秉鉞我言猶未終楊生涕擗拭聽輦鼓聲依然震

城闕

示諸同學

多謝諸同學爭來看老夫流離休更說涕淚已全枯疏水
能供否衣冠欲廢無莫嫌相見少十里卽長途

京峴山

京峴山頭望夕暉幾家門戶未全非衣冠優孟場空設富
貴南柯夢豈違頌厯居然王氏效習儀還欲漢官依如何
簾幕深垂處不見從前燕子飛

旅館苦雨

我來無日不風雨春已欲分寒尙拒到眼誰曾見一花關
心只是無乾土去年苦旱今苦澇天意何爲未忘怒經過
市頭不敢問米價又知增幾許漫天烽火看依然水有蛟
龍陸有虎拔劍一歌行路難此夜驚魂落何所

意茗山館詩稿

卷十五

二

諫壁喜見嚴子秋

意外得相見離情且莫說問君昨年秋圍城事顛末君言
賊來時守城但羸卒居民雜其閒操戈膽驚裂相持竟兩
旬未分死何日詭計擅賊中隧道慣潛掘忽聞城欲傾礮
響震不絕時方大旱憂城中水將竭暴雨從何來火攻計
頓屈詰朝蚩尤旗倒捲看倏忽萬姓皆歡騰神佑荷倉猝
守土彼何人天功乃貪竊得毋衾影慙豈眞水火山出君雖
標掠遭幸未性命失願得故里歸備書董狐筆紀時正咸
豐丙辰秋七月

過江赴寶晉洲作示諸父老

寶晉我屢游此來奉府檄非是征官租祇各按農籍勸分

倉箱餘稍助諸生食心知兵戎遭此亦非樂園 皇恩久
蠲除爾當知感激多士皆國楨飢寒累 聖德仰體 宵
旰憂卽具擊壤識畝分二百錢毋過斗米值請觀城市閒
殺人正朝夕免死哭道旁忍餓少餘粒父老厚愛我聽我
語悻惻定知感心生徧喻無吝嗇

聞客言金陵未陷時有牛頭馬尾之謠因有感於昨
冬事補成一詩

金陵城頭旗不紅金陵城外無賊蹤大營將士枕戈卧居
民傳報門誰通紅頭兒郎自殘殺流血滿溢秦淮東韋楊
兩逆盡輾裂但一石達開稱雄樓船若使遇王濬乘亂定
急孤城攻不然燕子飛不到烈火胡忽焚宮中此是咸豐
意若山館詩稿卷十五

三

六年事月正紀戌時方冬龍旗天策有占驗妖氛應早銷
洪濛何意春來斷消息不遺一矢交一鋒豈必牛頭接馬
尾始見赤日行當空只恐養癰患愈大平臺授鉞 恩徒
隆有明張李足殷監誰能一將看成功

洲民有頌余勘災時事者作此誌愧

勘災會記此盤桓自笑儒生一味酸鯨鱷風濤驚乍見鵠
鳩面目忍親看繪圖造册聊煩我輸粟分錢總費官慙愧
有人提往事殷勤還與勸加餐

酬王志遠

朝棟

兼示令弟芾卿

正是雲翻雨覆辰逢君兄弟一相親名雖久識交偏淡俗
自能殊語便真客有蘇張愁拔劍世無沮溺悔知津武陵

莫被漁家誤此卽桃源洞裏人

懷曹少雲

爾庚

相逢多舊侶只是少曹三歲月頻憂誤音書亦費探星辰
仍極北烽火尙江南尊酒論文地思量總不堪

別劉伯純又三年矣恩恩未得往訪寄此奉懷

浮雲漾晴空閒閒自來去狂風忽吹之一散不復聚自我
與君別歲月亦屢除相思非無夢旣寤了無據虎豹游交
衢蛟螭戲當路寸鐵手不持誰能冒險赴茲來正好春陽
和喜微布門前棠棣花翩反怨復慕知君意惓惓念我非
朝暮覩此離別情胡能不君訴催迫苦無端又乖此良晤
愧感復何言愁更指前渡

意君山館詩稿

卷十五

四

舟行躁熱到家寒甚

江頭烈烈吹南風清明已似六月中到家風忽轉西北巖
寒又復如窮冬陰陽乖舛乃若此和氣那得回從容兵戎
降罰豈未厭更作癘疫災民躬流離滿眼看不得哀哀還
望彼蒼穹

曹二香往返金沙贈詩爲勞

往返甫一旬毋乃太僕僕君去知何遽歸又何太速牆屋
旣毀傷愛豈尙薪木獨行金沙城遇雨自躑躅誓墓願莫
償挽車夢徒卜旄頭落何時圍棋局誰覆孔融世久無王
晞思爛熟後會悲茫茫相送盡一哭

聞餘杭民變憶董氏妹

聞道餘杭縣窮黎又盜兵定知乘世亂豈得爲官清消息
傳非誤倉皇幸卽平獨憐鮑家妹那免替兄驚

京口解鐵如

爲幹

以劉伯純書來見時偕友游西湖

歸索贈句

君家住葛村幸與城市遠會當兵戎興得免傷流轉豈非
先澤長餘慶在積善劉生今端人取友自侃侃書來通姓
名諒非時賢算知君嗜清游自結西湖伴扁舟繫門前落
日樹頭滿追陪恨未能深情負繾綣歸持一束詩韻長節
欲短方今冠蓋徒趨慕但禁嚮誰知菘韭閒滋味別盤盂
爲問孤山梅肯共垂楊縮林逋去千年相悲世知罕我恨
憂患罹炊煙正時斷難爲雞黍留祇與供茶葍君祖濟時
意荅山館詩稿

卷十五

五

憤懣

聞溧水寇退書感

昨日相逢溧水客爲言溧水已無賊賊非畏兵乃畏蝗蝗
食麥盡賊無食賊退已遠官兵追官兵自怒無功回道逢
窮黎肆殘殺報功論級爭喧呶呼民命慘若此遇賊亦
死兵亦死然乎不然我得知但聽客言淚如水

書蕭何世家後

蕭何本自刀筆起功成乃欲伊呂比但道能識韓淮陰楚
漢興亡決於此同時非無彭與黥至如信者真國士登壇

受拜禮何崇一軍皆驚敢仰視知人能用真相才垓下悲
歌竟此始不然頗牧居偏裨馬革徒拌亦可恥千秋得失
將毋同並將無功欲誰恃若論英雄報國心請看青青漢
家史

閒居感興

銀潢望斷幾曾傾弧矢終宵不肯明書上萬言餘涕淚劍
摩三尺想從橫恩慙攬轡人誰識草草埋輪客暗驚若果
淋漓忠義曉投戈何必不連城

甚毋高論且卑之漢代君臣語可思市義能知真上客好
名不諱卽吾師寶刀駿馬難留日惹苴胡椒競載時俯仰
千秋同一感流民圖繪幾人知

意若山館詩稿

卷十五

六

烽火仍看急建康輝煌甲第正金昌本無後樂先憂志大
有沽寒鬻暑方貴曰魚鹽名獨擅賤時齋菜味知忘驚心
擊柝聲高處歌舞場原接戰場

政府何人一疏推能知桑下果奇才場圍自信狼肩盡臺
築虛傳駿骨來郡國緡錢愁共匿海山官稅痛分開頌蕉
彈竹紛紛說留共韓陵片石哀

當十錢歌

軍興改鑄當十錢重十二銖厚且堅十錢當百千錢萬出
入市井人皆便是何爐頭善圖利賄通官府施神姦鉛砂
相雜務輕薄彷彿鷺眼無中邊因之市物盡昂貴閭閻困
苦知難言司農仰屋少良策鐵錢鈔幣紛頌宣有司奉行

弊百出貽害那顧民顛連我朝錢法盛康雍美好不數開
元年奈何毀銷任姦儉改造器皿空藏緡當事何人國寶
惜哀哀何獨民膏腴

長歌行

我生志豈在巖谷常念功名建白屋年過四十不稱意救
飢且復就微祿何意遭逢此寇戎兼看誅求急當局流離
遷徙五六年皮骨空存那有肉親朋久疏少枉書同族凋
零盡一哭往來僕僕還江頭得避雨風雪霜酷相催老病
誰我憐忍顧妻孥不飽腹高車駟馬看紛馳出入黃金載
滿橐道旁嘖嘖盡稱羨誰更寒儒屑瞻矚夜深獨與古人
語不惜展書費燈燭

意若山館詩稿

卷十五

七

句容收復後作

五月復溧水六月收句容捷書報先後寇退知誰功聞信
雜驚喜探問勞郵筒豈真富兵甲無負小范曾浮雲正莽
莽江濤方洶洶深慮金焦間鉤結仍姦兇不然武昌火何
以更番紅賊去急蕪營賊來爭然烽暑寒已五易杼柚悲
成空迂儒昧時務稱功恥雷同君看此流寓藜藿皆不充
相逢話鄉里涕淚知何從官軍肆焚掠道路無行蹤歸去
死愈速呼籲徒蒼穹所望諸將帥號令申和衷肅清江南
白露布騰西風下以蘇萬民上以報九重

泊望亭驛

五里一卡十里柵禁究詰姦有名籍閒員游客爭驚趨誰

見紅頭此擒獲打鼓插旗暮復朝抽稅喧譁苦行客傳聞
彈劾悉罷去窮民手舞應加額我行經過看依然停泊先
愁望亭驛

和巖子秋六十初度自述詩次韻

不信乾坤自轉旋茫茫何處問青天蟲沙狡鶴悲今日瓶
盜琴書憶往年舊雨遠望成斷梗好風吹送忽華牋驚心
甲子從頭數那弗低徊爲慨然

送盡華年思不禁長吟莫怪帶商音風雲色黯迷城郭磬
鼓聲喧變瑟琴筋力漸疲筇短短須髯虛負戟森森流離
遷徙終何定此感原知一樣深

推襟會託舊皇州卅載權情付水流肘繫寸銅拋未許腰
意茗山館詩稿

卷十五

八

縣一劍恨難酬相思夢遠還愁寄好語腸枯也費搜手把
君詩夜深讀一回翦燭一搔頭

誰識網繆未雨營知君近亦諱談兵憂時早悟權非屬紆
難先驚室已傾身世百年原逆旅家園萬里只重城何當
天與銷鋒鏑柑酒歸尋谷口鶯

一官早羨乞閒身遺愛甘棠話尙頻會聽弦歌還舊俗便
鏘刀劍入陶鈞

君宰嘉祥爲古武城地今成盜藪

心存濟世非求達祿借

娛親豈爲貧今日全家正好在底須相對更相顰

况甘冷宦是初衷投老還思此席終

君歷秉江陰青浦鐸今欲仍改教職桃

李春陰隨處好純鱸秋興幾人同前游歷數時偏換往夢
重尋迹未空只恐石門賢吏笑近來吾道亦終窮

驅馳我亦歎勞生，祇是難忘舊日盟。可但追思成獨感，每於不語見深情。牛車輾轉身何託，棋局從橫眼自明。賸有憫時元結意，春陵吟罷欲誰賡。

招隱何須定澗阿，時平到處足婆娑。路無荆棘行知易，室有芝蘭樂況多。三里待銷天外霧，一甌且遣睡中魔。明年補獻南山頌，容我階前倒綠蓑。

卽事成詠

昔是窮王粲，今爲老鄭虔。依人原失計，薄宦最堪憐。烏倦還愁弋，魚勞更怕筌。紛紛求試客，詞賦欲誰賢。時議補行府縣試不

合而罷

舟感

意茗山館詩稿

卷十五

九

嗚咽江頭水，亂流夜深蛩。語更啾啾，不因羈客偏多感。祇恨西風慣送愁。

呂城道中見飛蝗

我不知飲愁難破推蓬，且向船頭坐。忽見飛蝗欲蔽天，呂城東去奔牛過。春來遺種心早驚，自經霖雨無留形。如何天災又此降，田禾食盡悲蒼生。吁嗟乎田禾食盡悲蒼生，但願不到蘇州城。

歸後寄楊子城

東風楊柳正依依，又見梧桐葉亂飛。自笑此身眞燕雁，春來秋往總無違。

陸居無屋水無舟，前輩風流此未愁。祇恐笑人逢趙壹，囊

中併少一錢留

縱教牛炙能賙我未免猪肝欲累人往返恩恩無十日近
來管叔自嫌貧

書來不惜語周詳一日三秋總未忘到得相逢無一事此
行直爲看飛蝗

悼陳明皆

華閤陋蓬葦營營各生存一朝畢人事貴賤何絲分哀哉
陳明皆本是草野民念從避寇亂我居與比鄰忠義偶感
激肝膽傾輪囷自謂耕鑿侶何莫非王臣奔走徧阡陌不
卹兩足較義旗一以舉響應爭紛紛豈意味時局觸忤遭
官軍糧鉏急投棄禍幾嬰其身嗟嗟閱五載殲寇誰知聞
意蒼山館詩稿 卷十五 十

頗聞

鎮江城中人食人鎮江城外皆官軍頗聞降人日夜出便
道指顧清風塵豈意兩月尙寂寂城頭未見空妖氛昨者
有客自西至爲言高資賊彌熾上游充斥勢莫當邗得虎
狼竟就斃峩峩巨艇況江心來往何難寇糧致何人高坐
中書堂安危乃聽彼蒼蒼我兵餉盡儻一日此憂非細誰
知防

示潤孫

汝父遭喪亂隨我東西走致令汝失學此豈獨汝咎憶汝
稚齒時應口四聲剖冀能傳我詩得比驥子否今汝如父
長所學轉人後雖居顛沛中我失循循誘立志果克專汝
衷豈難牖聖賢任人爲富貴本何有我老尙孜孜汝少可
稍苟泛驚慎自戒名實庶無負

逆悲

鎮江雖陷賊元氣謂未傷誰與作此語我聞淚浪浪毋怪
攘利徒蹈死如尋常牽牛過轂餼不忍猶廟堂橫尸沉滿
眼膜視乃袞裳心但計豐厚胷豈閔喪亡夜氣一以沒禍
亂知何央斯民何罪辜得問彼蒼蒼

送兒懋之松陵慨然書此

意菴山館詩稿卷十五

十一

韓康昔賣藥舉世少人識況乃喪亂逢隱此計良得苟存
濟物心豈必羨袞烏遠祖思忠宣相業著唐策亦嘗譏良
方蘇沈各取擇彼皆古大賢務此乃亟亟所嗟市僧流但
計錙銖獲靈素略未窺處方恣胷臆民命視土芥何異彼
殘賊汝當惻念慎毋物我隔虛衷師古人學問庶日益
衣食既可資天札憾自釋不然疾苦貽夜夢得安適瘡痍
痛滿前巍巍想秉鉞

誦杜詩有感

世亂方交困年荒更莫支求全庸有術遠禍亦徒思斷尾
雞難免焚身象豈知衣冠兼盜賊愁誦杜陵詩

憶昔行自題存稿後

憶昔隨親走大梁問年十五時正當論詩習聽諸老蒼便
思上下漢魏唐心怪杜陵老胡獨語變商老親怒我妄雌
黃爲語開寶分興亡始知詩境原無常豈意行年五十過
兩遭喪亂髮盡皤妻子流離顧不得羝羊觸藩豕涉波出
入軍壘冒兵戈正如江頭慟哭日焉得歡笑傳詩歌悲哉
親沒逾卅載誰見詩名滿人海但編舊稿紀歲時回首平
生淚空灑

我生之初行

我生之初乾嘉間時清俗美多豐年家家蓋藏有餘粟斗
米二百青銅錢似聞父老尙嗜嗜豐樂已遜康熙前爾時
正供早完納軍船開兌無遷延有司豈盡免加耗論石未
意茗山館詩稿卷十五
見錢盈千後來橫征漸無已倍額不足知何言致令終身
苦樂歲相慰反幸家無田况今寇戎逼朝夕旱蝗復見凶
荒連奈何追呼肆胥役肥橐不恤窮民腴大戶小戶盡流
血哀哀八口誰能全 聖人高拱那得識上告終必朝官
賢小臣微賤復何道仰瞻北斗空涕漣

秋夜讀蘇詩

空庭葉落風颼颼秋聲入耳愁復愁閉門獨坐少人語一
編尙幸蘇詩留我思公生正全盛濟濟盈廷方衆正曷爲
憤激傳詩歌謗怨頻興至紹聖忽念江頭老杜陵更思幕
下玉溪生側身兵戈口讒忌得勿血淚枯腸傾時宜不合
祇自苦儻耳歸來已泉土買田陽羨徒空言留得詩名自

千古儻教此日公尙存不知出處誰同論自來賢豪世難識掩卷何處招公魂

避難遷流典質已盡不得已出宋遼金元四史鬻錢易米作此以曉潤孫并以解嘲

晨起檢空箱典質已敝溫朝餐尙無米親知欲誰問搜羅架上書四史賸亦僅眼昏不能讀蠹魚積盈寸不如姑鬻之聊以救窮困得失皆自我相棄又奚恨稚孫手撫摩未免色餘吝強顏爲曉喻博覽每遺近一經苟能通百城擁豈遜兵戎息無時歲况值饑饉守此知良難聚散數安論出門心盡然默自淚微隕

舟中小至

意菖山館詩稿

卷十五

三

小至又明日何時得暫休風塵仍客路雨雪正扁舟被薄眠難穩宵長夢益愁思量無限事細數五更頭

留宿嚴子秋諫壁旅寓

顧瞻蹙蹙豈交衢欲往何之祇自吁卻喜故人縣榻待不教歧路泣楊朱

仲冬十有二日潤城餘逆與金山瓜州賊衆同竄金

陵張軍門

國棟

伏兵高資殲其大半喜甚作此以

紀其事

寶蓋山頭火燭天雲台摩笄光遙連耳聽礮聲震不絕城頭亦復高騰煙須臾難民數千衆敲耳黥面紛來前始知紅頭早相約銜枚疾走沿江邊金山瓜州兩巢穴指顧不

見森戈鋌傳聞中路遇伏發所過一夕胥誅虔我道驅車
赴橫插聞信喜極還涕漣亟扶鶩僕向高望一步一蹶忘
隋顛嗚呼潤城痛賊據五載空聞備攻具奪弧縣布誰先
登豈料今朝賊自去念從高資殉吉撫大營退向丹陽駐
倉皇戎馬百里閒尸積如陵血滿路蘇常得保良亦難鬼
哭神號那可訴敗殘收拾知何人獨賴張家一軍護旋乾
轉坤更此時號令森嚴預密布糧絕何須城亟攻險厄誰
能任飛渡龍潭以東竟肅清焉慮金陵久負固嗟嗟水火
斯民罹不死賊斧亦死飢張軍若早莅此土何至日久無
完黎奈何當事罔知卹搜括尙恐荒陬遺我雖流離自不
暇蒿目能弗悲瘡痍所望江南賊全掃四境不復騰鼓鞞
意茗山館詩稿卷十五

丙

恩膏大沛仰

聖德回斡元氣還純熙小臣得歸守蓬華

尙能作頌傳華夷

其丑 酬嚴子秋

暑寒嗟五易寇退始今朝何幸餘生在兼承好友招相看
那勿喜卻顧轉無聊出處愁重計豪情已久消

大港遇同學諸子述感

久拌此別見無期何幸重逢轉各疑豈意避兵翻入幕更
無生計漫爲醫兒童漸長看難識廬舍全墟問莫知蹤迹
可堪同細訴淚零如雨欲承頤

旅夜

風急雲昏欲雪天荒祠枯坐夜如年憂來不斷憑誰訴夢

亦難歸祇自憐沙落幾曾留箭鏃鳥飛猶自畏弓弦茫茫
身世知何似輾轉思量耿不眠

劉伯純屬校近詩題此卽別

昨從寶晉洲歸投諫壁宿感君雞黍留客來真不速君素
嗜吟詠商略每我屬我豈能益君顛末笑操續殷殷乃深
宵不惜費燈燭譬如砥礪粗磨礪效精璞瑕去瑜自昭豈
謂石勝玉漢魏須力追唐後慎毋學此言非不然亦祇是
糟粕必欲窮其源要貴經史熟胷中多古人出語自超俗
詩況道性情君性本醇篤何難發歌詞聲律和清穆臨別
貢區區夜夢尙反覆

丁小坡以金壇守城功擢宰鄰水作此贈行

意菴山館詩稿

卷十五

五

江南未休兵芻蕘困供億誅求尙縉錢比戶痛告匿水火
出何時民怨甚盜賊君抱恫瘝懷觀此必心惻今將謝蒞
盤往宰川北劇漫誇禦寇功亟播鳴琴澤近來少循吏非
是細才力不恤閭閻窮但徇吏胥刻問絹風苟追選錢頌
豈息諒非不學徒致此能且夕必若還太平風動徧郡國
同官近十年迂愚久君識妻子自難保瘡痍乃莫釋寸私
貢臨歧千慮或一得置酒臨前庭雨雪動顏色望君美政
傳遠慰長相憶

從錫山至澄江道中作

經旬兩度錫山過草草勞人可奈何舟小祇容踳足臥蓬
低不礙側頭哦關心破屋居民少冷眼高桅熟客多自笑

此來真底事豈忘世路尙風波

虞山酬顧蘭厓方雲鑿

世難遭未已百念歎消泯獨此求友心寤寐尙交引顧公
我舊知卅載別轉眴昨年鹿城東重逢感相憫同官得方
干高談恣滾滾真如對萱草不覺百憂損今來笑簡書雨
雪載田畛更感肴醴羅匪獨具蒲筍良會原大難翦燭此
宵盡所惜歲欲除歸計迫艱窘相約虞山遊期待春風準
望君吟詠閒爲我賦招隱

紀湯培南事同周生

伯義作

湯培南湖南人本姓易氏名非真但稱湯四人知聞全家
陷賊恨且憤脫身無計悲汚身幸來金山託心腹漸得賊
意茗山館詩稿

卷十五

六

歡作賊目出入鎮江城京峴路習熟乘閒投誠奔大營自
贖妻子盡一哭反身率衆徑入城計賺火藥空賊局妄謂
須臾賊未覺豈知消息城中傳慘遭輶裂體不完攀援賊
黨死無數一死亦足明其冤吁嗟乎賊中豈少湯培南終
身作賊人誰甘何弗痛哭招撫徧示 皇恩覃

題變徵遺音後爲震澤金夫人作

夫人名慧字靜因嘉善蔡佛華繼室也蔡宰湖北廣濟
縣粵寇至檄赴軍前屢著戰績旋遭賊害夫人在武昌
圍城中聞報慟哭欲殉以夫骨未卜爲恨姑留身待旣
而城陷竟以全家逸出匍匐道路尋遺骸不得則哀籲
賜卹有憫之者忠魂始慰而艱苦備嘗已三年矣會

其兄其相遣人相迎始得從千戈擾攘中挈子女以歸
歸後誓養姑事畢終以身殉語見哭夫詩中嗚呼其亦
可悲也已

鼙鼓聲喧簫管止一片宮商忽變徵哀吟激楚傳江頭巾
幘尋常那有此夫死沙場報國恩圍城日夜驚魂魄兒嗁
女號顧不得一死夫骨知何存是時天地正昏黑驚雷震
動全城沒溝渠積血流潺湲道路橫尸枕狼籍咄哉萬死
身竟全遺骸匍匐尋誰邊淚盡血繼臄皮骨哀哀應荷彼
蒼憐忠魂得卹願已竭此生那望死同穴但求夫祚歸更
延事畢養姑誓不活嗚呼往事堪再論出生入死非一身
千秋何人比無愧流傳斷句同酸辛

意菴山館詩稿

卷十五

七

意菴山館詩稿卷十五終

孫潤庠曾孫家振校字

意苕山館詩稿卷十六

元和陸 嵩希孫著 男懋修九芝校

戊午

人日赴潤城

人日揚帆一槍神恩恩扶病太無因到時祇恐仍如昨盡
日相逢無一人

潤城書感

客冬十一月寇退我入城淒涼不可說觸目皆荒荆尚餘
數甲第敗壁無完樛今來見修葺斧削聲馮馮詢知是官
府公館爭各營主人問何在漂泊方無停暫歸省鄉里疑
懼敢自呈相逢偶我識欲訴先吞聲我雖少棲託故里未
意苕山館詩稿 卷十六 一

遭兵敝廬守先澤差可容婦嬰覩此默自慰焉用悲沾纓
烏知盜賊始不有難言情

余來無棲止所聊障席於西廡下以居愀然賦此
障席爲垣竹結門無分宵晝總昏昏得教風雨身聊蔽敢
望雲霄手更捫坐久須眉方略識難中言語易知溫請看
舊日人何處近聖人居已獨尊

人日善後局

官設善後局勸捐召富戶富戶存者幾半已變窮苦雖有
遠宦人家亦罄阿堵訴官官不應但慮捐輸阻竟欲提押
來下與逋逃伍嚴令奉上司疇敢一言忤念彼水火懼不
絕命如縷誠抱惘瘵懷召之復故土善後雖多端舍此更

安數尙恐溝壑餘來者十無五堪更迫脅之裹足畏如虎
邱墓不敢戀遑暇計安處衛文昔遷國遺民痛急撫生聚
繼教誨豈苟罅漏補守令誠能賢何必今異古奈何別派
官聚謀費資斧月支逾萬錢徒令怨成府試讀元結疏臨
風一長撫

金沙送郡試泊雲陽作

朝來隨郡伯一櫂下丹陽水順風偏逆舟遲路覺長吏迎
爭驛埃兵雜尙橋梁待試人知久歡聲暫道旁

秣陵關

潤城寇退踰三月金陵糧盡復爭說按兵不動知何爲偏
掘濠溝使援絕心知賊勢亦已窮堅守孤城不敢出秣陵

意茗山館詩稿

卷十六

二

雄關峙郭南環攻未許宵潛奪昨聞虎將此殞軀謂虎總鎮坤元
未免長城痛先失何意今朝捷報馳大營已向鍾山逼釜
底游魂定幾時水火斯民望早脫祇恐傳聞或未真夜卧
仍勞夢顛越

郡試畢後欲之潤城不得乞假旋里作寓拏金沙計

慨賦一詩

官鼓聽初歇進退仍維谷念當還潤城傾隕幾間屋焉能
擔筐篋全家此託足諸生況各散誰更問講幄際茲困窮
中妻孥卽僮僕分炊力所難顧瞻兩踣跼姑歸挈家來暫
待過三伏雖非久長計或免缺餽粥近來司鐸官往往自
污辱趨承類雜流動輒受縶縛今幸太守賢容此迂儒瀆

投詩我竟行翩然笑黃鶴

沈玉生欲就官赴浙詩以諷之

玉生負賢名禮延久幕府自遭喪亂來流離少安處依人
總不聊進退兩無主幻想就卑官不暇避衆侮語我頗顏
忸歎息膺頻拊念從禮教衰競心召千櫓廉恥苟稍知動
輒與世忤太平覩無期居今敢稽古我方思去官君往欲
何所惻惻動離懷雨風雜鉦鼓

金沙寓館酬酢紛煩思往事懷舊人悄然不怡援筆

屬句情見乎詞

往迹無端復此尋懷人感事總傷心偶同言笑都成古縱
別酸醜已異今世亂衣冠輕右族道衰鐘鼓廢元音滔滔
意若山館詩稿

卷十六

三

斯世吾誰與沮溺空勞恨不禁

丹陽舟中苦熱不寐書此以寄兒懋

烈烈催南風炎暑日以熾側身徑赴官亦自知非計遣兒
送母歸此豈我初意牆屋奈傾隕薪木失蔭芘家具雖無
多安置少隙地分權金繩江東西遂迢遞未免動離懷惻
惻暗隕涕我今泊雲陽兒過毘陵未揮扇汗四流蟲嚼苦
難避枕席貼若蒸肌膚垢增膩推蓬看繁星燦燦列天際
樹頭靜不搖萬里絕纖翳驕陽想明朝逼人當加厲深憂
衰病軀路隔定兩繫我豈尙熱中造物故相戲夜半聽舟
人婦子語瑣細益知在家樂飲水有餘味襤褸徒笑人反
脣免交議風波念未靖腐儒本共棄歸期敢更愆毋再冬

衣寄

潤城官廡盡燬惟學舍尚在嚴子秋言於當事先爲
修葺工竣書來招之入城居定後賦此奉謝

潤城官廡無一存我居獨未遭賊焚修我牆屋我將反今
豈遂無武城人深感故人替籌畫官爲補葺居然新金沙
試事正初畢襪被竟入身忘賓檐前燕子向我識飛飛不
避庸無因此堂雖非舊王謝髮髯故主歸同親出門四望
轉怊悵刺眼瓦礫居無鄰諸生流離問何處思之不見徒
酸辛堂西數椽我手闢經營辛苦逾冬春卽吾廬額識安
在遭賊定早摧爲薪人生往事類如夢我况頻歲遭遘連
其閒得喪那可說莊生齊物誰重論獨嗟金陵寇未滅驚
意茗山館詩稿

卷十六

四

心擊柝聲相聞我雖居此得毋懼秋風準擬尋鱸莼

酷熱喜雨

炎暑苦蒸逼草木皆枯焦老夫夜數起揮汗如流膠蚊蠅
復交聚肆虐憎肌毫安得火雲散掃蕩來金飆一雨忽亭
午頓覺襟塵銷盛衰有起復天意誠昭昭自笑惡炎熱眞
欲性命逃今夜定安寢得免更叫號雨過步庭宇散髮堪
逍遙何當西風催送我歸衡茅

署齋感興

廿載還留未了緣重來風景一愀然舊時莫問南州榻此
日空尋子敬甃祇有荒蕪堪伏兔更無高樹不聞蟬鳳麟
兩石猶嵌壁贏得摩挲拓本傳

雉堞仍看當外屏，夜深戍鼓枕邊聽。荒涼廢圃叢生莧，寂寞空庭冷墮螢。修竹幾時成翦伐，垂楊無主自飄零。光風霽月依然好，不見崔巍舊日亭。

也曾抱策獻當途，喋喋何能效奮夫。世變功名歸里巷，道衰禮樂賤師儒。斷槍折戟隨淪沒，廢鼎殘鐘問有無。到處遷流成語識，悔題楹額卽吾廬。

回首平生祇自哀，可堪兩度避兵來。漫勞薄笨攜家具，并少殘編問劫灰。苦雨客愁仍不斷，西風歸夢已頻催。王公早逝崔公去，謂王大令德茂，崔太守光笏。誰更延賓座許陪。

人日見墮蟬

一枝何處託飛墮，忽空坪此豈草間物。能爲唧唧鳴

意，茗山館詩稿卷十六

五

耳聾

久已風塵厭何妨，耳漸聾語言容獨少。趨走笑難工衣溼，知逢兩旌揚。覺起風亂蟬，應我識不噪夕陽紅。

津門歎

江南莽莽猶風塵，夷氛又報騰津門。船堅礮利久傳說，驅勦何敢輕揮軍。所求毋乃太辱國，主議仍是前疆臣。紛紛廷爭動，黼座得予自盡猶。全恩所嗟中華尙禮域，已悲荼毒遭黃巾。堪更近畿許通市，衣冠錯雜且休論。百貨交易務淫巧，鑊刀習較忘尊親。勢將盡驅入禽獸，誰教稼穡明人倫。嗚呼先聖去今遠，大道豈得常澌淪。貞元自古有起復，數窮必變終乾坤。請看前明盛倭寇橫行，豈必真無

因不然重洋數萬里焉敢深入輕其身

感念路質軒不置寄其令子才甫

兆馨

茂才

終日少人過枯坐生煩憂慨然念前哲逝者不可留路公
負雅望淵量傾名流過從幸朝夕馨羹餘羹稠如何未三
載一別成千秋世風歎日下大雅輕溝猶誰能強趨逐氣
味忘薰猶追思君歸時恨不從君游獨行今遇雨躑躅悲
江頭君沒子尙少得免飢寒不道遠但呼負問訊稽重郵
昨聞一衿掇失喜知何由更望致遠大努力崇姱修需賢
正時亟先志期重酬

尋丹徒學廢址追悼程曉楓

程子談經處重尋一慨然草深迷曲徑井廢失神泉

舊有劉宋

意茗山館詩稿

卷十六

六

時井遇旱不竭悽絕山陽笛悲空子敬絃近來司鐸者誰得似君賢

過望兒橋愀然生感

獨客真無賴歸期苦尙遙西風生昨夜愁上望兒橋
得內子病起後書卻寄

愁中百病易相欺苦熱舟行本不宜恨我遠難親問藥幸
兒今亦漸知醫就衰筋骨原時痛遭亂形神況久疲莫更
傷離損眠食凋零門戶要卿持

野莧

雨過尋舊圃嘉蔬復何有舉目但野莧叢生徧牆後刺滿
不可觸觸卽傷人手深恐數蔓延塞路斷岡阜粗僕不曉

事攜鎌喚園叟便思盡芟之更種菘與韭嗟嗟雨露蒙得
地彼亦久此類沉衆多荆棘互蟠糾翦除知良難消長本
非偶不如避此歸寂寞自戶牖

出門

晨起攬衣裳出門欲何適徘徊大道旁默數往來客紛紛
盛車騎攘攘逐酒食會有幾閒人經過話今昔西瞻金焦
勝北望甘露迹荒涼知何言風雲已變色破屋知誰家一
犬卧牆側見我尾欲搖有若我會識山空屐齒無古道問
豈得扶杖徑獨歸掩關自歎息

書虞山陳于鳳

韶

錢箋杜詩批本後

在昔杜陵老生值天寶時許身比契稷不得堯舜知賊庭
意苕山館詩稿

卷十六

七

一朝陷慟哭摧肝脾閒道走靈武性命懸如絲感激備衰
職諫諍忘其私華州一貶謫妻子悲仇離轉徒歷秦蜀肉
脫空存皮兵戎迄未息京闕瞻無期民命問誰卹四野多
瘡痍平生致澤心寤寐徒涕洟詩歌寓憤惋浩氣干雲霓
稱爲一代史知者誠無譏追思獻賦日名譽通綸扉謂可
志略酬勳業垂常旂豈意亂遽作烽火連郊圻終身在憂
患得免時悲悽詩本性情出學詩宜公師注家數十輩誰
實窺其微我讀陳韶本恍來浣花谿惻惻雨風夜哀哀危
苦詞

寂寞

寂寞如僧舍青山半面遮繞牆惟白莧傍屋少紅花斷鏃

棲荒礪殘碑卧冷沙興亡誰共話輾轉自悲嗟

寫懷示懋兒

俯仰觀禽魚飛潛各有性誰始制網羅吾欲咎前聖紛紛
利祿營動足皆陷阱軍興盛捐輸游客喜趨競匪獨杼柚
空富室歎交病市物盡昂貴窮巷亦瓶罄車騎喧閭閻寇
來正各慶澗水流潺湲日夜污吾聽欲往將安從苟全但
性命無情羨木石閱世忘衰盛

芟草

繞庭少蘭蕙徧地皆毒草觸手痛如螫其害實非小芟夷
先僕夫不暇避昏曉明知霜霰零此類盡枯槁芒刺奈眼
前勢延恐難掃去邪貴勿疑及茲未爲早薙氏想周官瑣
意荅山館詩稿卷十六

八

哀歌行

齒牙脫落鬢毛禿那怪逢人受侮辱憶昔東塗西抹時吐
氣亦復凌河嶽十年獻賦名未成退抱遺經守白屋妻子
飢寒救不得敢羨諸公饜梁肉遭逢患難誰我知躑躅江
頭自慟哭卻笑尋常里巷兒駟馬高車耀轉燭浮雲萬里
迷重霄燕雀何妨傲黃鵠故園三徑幸未荒歸期定許秋
風卜寄語紛紛諸少年莫更相疑費謠詠

宣德香爐歌

有明盛時數宣德海寓清晏民休息宮中聖人夜焚香曲
罷薰琴樂何極詔選良工製博鑪金精躍冶光騰壁夏鼎

殷鑒並典重秦刀楚劍無顏色流傳已踰三百年寶貴人
閒徧南北潤城喪亂瓦礫空此物何人更珍惜我來斷鏃
尋戰場驚喜光芒市頭獲磨礪拂拭忘短宵俯仰古今忽
感激盛衰興廢本循環家尚有之何況國憶我趨庭總角
時曾見羅藏諸叔伯鬻錢易米今豈存聚散何堪一朝夕
舉頭四望猶烽煙撫此能弗淚沾臆

江口閒眺

江邊野岸自徘徊秋色行空滿目哀倦鳥有心辭病樹淨
雲何意掩高臺漫看壁壘連山轉誰見帆檣逐雨來舊恨
新愁流不盡西風休更夜潮催

題卽吾廬壁

意菖山館詩稿

卷十六

九

豈真身似寄居處卽吾廬回想情如夢重來計本迂陂池
堪盡廢庭院亦全蕪對此羈孤極能無自短吁

造册歎

田册稽魚鱗遭亂悲散佚縣官詢主書下令徧蓬華按畝
輸百錢丈量免耕輟似亦便民事民力奈已竭在昔元道
州賊退務矜卹表陳征斂苛不憚語激切豈今州縣長盡
由貨賄出刻剝素習聞仁慈郡可說上苟廉潔持下自貪
污絕烽煙況未銷道路多白骨流亡歸何時富庶正無日
俯仰今古閒寸心自憂懼

重至金山

潤州問名勝自昔稱金山往來盛冠蓋古迹爭尋攀陷寇

積五載寸土皆腥羶先朝置勿論俯仰康乾開崇闕
行殿宸翰圍雕闌於時國饒富威震方百蠻六龍數
巡幸駐此開天顏深恩屢賜復父老權迎鑾獻賦
紀功德濟濟朝紳班生晚未親覩閱世成艱難忝司此
邦鐸游覽時悲歎重來況今日滿目生荆菅拄杖欲何處
涕淚空潛潛回看大江水日夜流循環

題畫鷹

畫鷹昔推姜楚公飛動直與真鷹同縣之壁閒百鳥懼遠
避不敢凌長空後來畫者失精巧豈是真鷹世已少未見
金眸玉爪材何由素練風霜掃嗚呼此畫知爲誰坐令凡
鳥生疑猜紙尾不肯署名氏紛紛讒忌防堪哀

意茗山館詩稿卷十六

十

獨坐

秋聲颯颯滿長空獨坐蕭齋夜未中無意高樓先得月不
愁喬木易招風道衰豈得名猶戀身退何妨耳半聾心事
千秋誰共證壁閒留取一燈紅

留客

戀戀猶晨夕吾廬豈果真圓荷承蓋短老桂作花新衰病
悲青鏡家書斷白蘋時吟題壁句留客定何因

廬州復陷

金陵未復王師老廬州又陷何草草京口傳聞了不驚豈
是邊防備已早紛紛日夕催捐輸官廨神祠亟興造肩摩
轂擊仍通衢來往爭圖囊橐飽江頭老翁還獨愁放眼古

今自懷抱蠶蠹有毒害尙貽困獸猶鬪禍匪小誠詞邪說
況橫行鬼怨神恫邇自保念此能弗心愆然顧瞻靡騁免
如擣保障獨恃張家軍所望妖氛迅除掃更施教化同人
心任卹睦嫺戶各曉庶幾耕鑿安堯天毋使閭閻重驚擾
欲歸未得耿不眠四壁蛩聲助悲情

重修郡學五閱月而告成敬紀二十韻

荒城無片瓦宮殿此偏存天未斯文喪人猶至聖尊庀材
更節候糾匠集晨昏藻采騰新楨櫺星煥舊門鼓鐘銷殺
氣鼎鼐滌腥魂一代仍鴻業侏儒愧駢奔堪嗟塵劫過回
想列烽屯城郭驚雷陷樓臺動地淪暑寒經幾易禮樂歎
誰論豈久魚龍混旋聞虎豹吞重來看盛事再造荷元恩

意菴山館詩稿

卷十六

十一

自古兵戎革終先教化敦拊循如道德奠定自乾坤效法
兼羣哲淵源溯聖孫土階崇玉砌瓦缶薄金樽若但歌輪
奐何由頌穆渾晴瀾回曲沼雲氣闕重闈枯柏無因覩殘
碑失共捫得教丹鳳降惟見石獅蹲門外石獅
尙未全毀躑躅宮牆
外書時遞肅溫

中秋夜月寄內

萬古團圓月今宵兩地看金波徧浥銀漢失漫漫簾捲
香風散庭空冷露溥闌干休徧倚可但客邊寒

短歌

老馬能識途豈於伏櫪知明珠可照乘不在沈淵時君子
恥自獻甘爲羣小墮

炎熱蠅螞趨腥羶螻螻羨營營利祿途豈復辨貴賤咄哉
長鬢奴驚寵亦顏面

權門勢喧赫自信手太阿一朝失顯要氣燄銷飛蛾不見
漢廷尉雀可門前羅

商販金紫滿奴隸車騎都軍輿濫名器小子皆師儒官方
儻澄敘此曹將安圖

居安貴思危持盈在處盛擊柝聲猶聞彈冠衆已慶迂儒
獨心憂慙耳言誰聽

漢興治近古議禮尊儒生後世薄處士奔走由公卿我自
有好爵一笑得重輕

少微

意菖山館詩稿

卷十六

三

少微光本玉繩齊歎息浮雲掩處低草木縱能區臭味鳳
鸞底事談枝栖心驚白浪潛虹影眼冷紅塵送馬蹏除是
西川嚴節度何人解入浣花谿

彗星行

咸豐戊午建酉月降婁之次見星孛東南寇盜踰六年殺
人日夜川流血幡然悔禍應彼蒼亟予櫬槍掃溟渤昨宵
仰望西北隅朗朗一星先月出其光四散低虛檐髮鬢前
驅簪執末朝來萬口爭驚傳若恐妖氛復煽結我雖素昧
天文占左史遺言尙能述布新除舊理或然乾象分明示
凶吉所望朝廷教化施壹變澆漓樹豪傑毋使旄頭敵再
騰致令弧矢威重奪太白蝕月兵禍終五星聚井蚩尤過

小臣拭目觀中興紫氣常看護城闕

登高

登高望城市來往無一人但見土阜麓一牛卧重茵牧童
牽之起閒閒性胡馴西風忽以急涼意生白蘋參差蓑衣
袂墜葉驚續紛曾是秋欲老尙爲客中身雲羅況滿眼避
弋知何因豈猶戀梁稻效彼雁呼羣行路近益難何處非
風塵茫茫一回想能弗悲酸辛

觀鬪蟋蟀

金籠玉柵有干戈歎息唐風休更歌爲問半閒堂上客近
來秋興欲如何

訓狐行

意若山館詩稿

卷十六

三

君不見敗鼓之皮馬首蒙訓狐諂媚真虎同假竊餘威肆
吞噬獵犬側目潛無蹤空山野獸猛不懼舞爪磨牙怒相
遇草閒竄伏憐哀噪路黑宵昏欲何據君不見行雲施雨
昭含容尙有舊水藏蛟龍

小步

小步空庭失翠微蕭條景物已全非浮雲漠漠閒遮幔細
雨溟溟欲溼衣燕雀豈知鴻鵠志蜻蜒亦避伯勞飛何心
更著游山屐漸喜江頭可息機

偶述

憶年十四五侍親遊大梁經過幾都邑登眺興飛揚未知
鞍馬苦焉識道路長趨庭正極樂操翰成篇章習聞盡古

訓所見皆老蒼曾懷宏遠志願羞尋常迫歸逐朋輩聲
譽爭名場是時際全盛海寓多賢良便思奮鴻翼歛爾躋
鶴行許身敢妄擬結想非滄浪廿年意不得獻賦空明光
徘徊去京國鼓楫遊錢塘徧覽兩浙勝回泛新安航遂窮
皖江境得句盈奚囊人事雖迫促意氣猶激昂舟載競張
翰屣倒傾中郎悠悠盡陳迹役役悲非鄉自秉潤州鐸親
沒心久傷儒官世誰重菴盤愧徒將人事痛日變兵革興
倉皇長江古稱險飛渡竟莫當流血滿郊野填骨成邱岡
斯民陷水火已六經星霜亂極會當治豈遂蒼冥忘諒非
濟世才曷以同天綱隆中感知遇漢業分興亡斯人不可
見徒令淚沾裳

意若山館詩稿

卷十六

西

驚聞六合失守已十餘日而未見軍報忽得深水復

陷之信書此以紀憂憤

德將軍走無江浦賊騎長驅勢莫阻六合孤城守獨堅可
憐今亦成焦土消息傳來或未真齒寒無那先亡唇沿江
郡縣盡震動溧水復陷非無因朝廷命將十餘輩幾見臨
危不身愛獨一張帥誓報國奔命誰能論成敗昨日江北
今江南我勞彼逸嗟何堪白日黯黯慘行路黃沙莽莽飛
寒潭悲我今猶歸未得日向空庭望北極安得旄頭一夕
傾凱歌徧唱還鄉國

消息

消息傳來惡城真六合傾艱危經百戰號慟忽三更雞犬

悲同盡豺狼怒孰嬰可憐溫內史齋志竟捐生

從此江南北會無一席障淮徐都震動曹兗正倉皇時東省亦
有捻野哭聞千里蠻歌雜四方何人膺重寄避賊計偏長

廬浦行紀八九兩月事

廬州賊勢方猖狂突陷江浦趨儀揚德營遠避召伯埭致
使北面無人當六合孤城守六載可憐今亦如睢陽賀蘭
重兵自坐擁南八殉國誰同傷哭聲動地血成沼黑雲蔽
日天無光堪更旄頭照溧水瘡痍未復重倉皇大營猛士
雖無數奈隔江水疲相望鞭長誰能及馬腹援師忽報來
天長昔曾豫東埽狂孽威名久著驚豺狼知人善用洵人
傑魯從招坵皆成良一鼓盱滁報歸順賊膽欲落知難強
意菖山館詩稿卷十六

五

蘇常門戶恃東壩從容已得嚴周防不然歸計未漏息太
湖風浪誰能量我方客途歎留滯訛傳能弗憂吾鄉所恐
旋撫或旋叛殷鑒慎勿前明忘李昭壽為賊中巨酋受撫於勝帥屢輸賊情奏賞三
品銜改名世忠今復報賊扮商人暗投東壩欲襲蘇杭江南大營得以有備李遂獻滁州以降

江南諸將復溧水

復聞收溧水賊勢漸知窮直搗應乘勝長驅合有功一隅
雖負固諸將自稱雄慎勿輕餘寇須防走險同

蟋蟀

驚心時序急蟋蟀爾胡聞猶未入牀下依然鳴戶聞豈憐
羈客夢尙阻故鄉還唧唧終宵聽能無淚點潸

將歸里門留題潤州學舍兼示諸生

如此江山不可留依依欲去更回頭亦知久住原難別自
信無才合早休兩度遭兵悲世變一生講學誤身謀得歸
茅屋庸非幸松菊雖荒徑自幽

畫棟雕梁一夕傾淒清風月此荒城人稀未午先收市路
寂將昏已斷行過從往時餘幾輩艱難此日孰平生空桑
戀戀猶三宿廿載能無未了情

春風猶記我來初桃李花開徑未疏卧對遠山青落枕醉
臨流水綠承裾堂前喜布高賢席門外時停長者車轉盼
已多今昔感可堪重檢古人書

三絕由來說鄭虔笑人也竊廣文甦自知不學身宜賤休
恨憐才世少賢北望津門雲黯淡西瞻黔水雨連縣羣公
意蒼山館詩稿

卷十六

六

袞袞今誰託祇合歸耕郭外田

舊迹茫茫是處尋就衰腰腳怯登臨人空問字車聲斷客
少聽琴燭影沈風雨關心愁入夜星辰回首感非今昭明
石几知安在題墨何須問竹林

滔滔依舊送江潮誰共興亡話六朝賸有閒愁題草木更
無清興問金焦蛩蟹訴砌繁前夢魍魅吹燈暖短宵晦雨
瀟風堪一室自拈枯管寫無聊

壁閒麟鳳認依稀劫火偏留是也非興廢欲追千古恨浮
沈早悟一身微藝瓜待熟情何有種樹成陰願已違梁燕
亦知歸去好攜雛先我向南飛

江頭頻與問輕航十載歸心此竟償失喜親朋傾舊甕不

勞僮僕理行囊病蘇且幸烽煙遠夢穩何愁道路長到日
安排還債了底須更計隔年糧

有所悲

幻夢重尋一慨然地經兵燹斷人煙青山是處猶埋骨黃
土無端此委鈿魂儻能招應我戀淚空欲滴定誰憐傷心
不及真孃墓尙有新詩弔樂天

不雨

不雨過百日水涸土亦乾鄉農有憂色二麥種已難念從
兵戈起言之涕汎瀾拮据盡耕力成熟供賊餐官兵復踐
踏畝粒無有完今年罷防戍稍幸阡陌安八口豈便飽征
斂方急官如何日杲杲不放雲漫漫凶荒苟相繼可憂獨
意茗山館詩稿卷十六

七

飢寒況聞川源竭舟楫膠河干往來阻行李躑躅生悲歎
私心亦戚戚亟望甘霖溥

籌防歎

善後勸捐苦不足籌防又報開官局日給薪水供委員窮
民那得邀飣粥腥羶所集羣螳趨獻諛貢媚紛馳驅黑旗
爭插號團練長官高坐心歡娛君不見前者儀揚聞告警
相對無言氣交屏誰見登陴有一夫徒令捐戶增悲嘆

雜詠

屢聞捷奏靖妖氛江北從今失陣雲零落西山幾長髮故
應聞殺德將軍

任他蠶蠹毒猶存此日終成釜底魂首逆生擒須努力莫

教容易失孫恩

合圍祇此一孤城走險還聞日夜驚差喜疆臣知大計不煩同紇助收京

嚴子秋招同周廉泉大令焦山看黃葉因病不赴酬

以一詩

不到靈山已十年樓臺聞道尙依然虎谿一笑風塵辟賊

焦山寺僧以危語卻去之獨得不毀龍壑千尋日月旋病起自愁陪上客重

游況恐說離筵江流不返人將去黃葉丹楓總可憐

贈周海門濬川大令卽以誌別

世途日變遷迂儒衆所棄過問偶君子語真感欲涕自言有老親遇賊未知避性命雖幸保廬舍盡燬廢道梗歸省

意菖山館詩稿

卷十六

六

難一官歎此繫近知阿翁來全家尙分寄我亦干戈間脫身夢常悸聞語那勿悲相訴及瑣細薄俗傷今時攘奪但榮利骨肉罔知顧民命豈更計諒非至性人曷以救衰敝待君家室迎瞻望慰兩地綰綬來吾鄉教化布愷悌庶幾喪亂民益令慕仁義我歸守先廬亦得被蔭庇臨行贈此詩雲樹渺天際

別劉伯純

患難始君識感君意頗真往來五六載積久情彌親歎焉別君去未免鼻酸辛念君嗜吟詠就我時諮詢今雖見難數道隔非由旬寄書亦易達况乃銷風塵所嗟鮮暇日汲汲各爲貧請看細人子轉盼皆朱輪君胡效康伯賣藥思

終身無求計原得榮辱誰同論我將從漁父往結江頭綸
相望兩自樂何必非天民

別巖子秋

臨歧無那一沾巾患難交情本各真況是往來經卅載可
堪離別忽今晨江湖滿地書愁寄風雨深宵夢得親身老
時危慳會面天涯休道卽比鄰

贈孫穀堂

式榮

茂才卽以爲別

褊心從客誚倦眼忽君開磊落空懷古風塵少此才登樓
王粲感拔劍杜陵哀後日如相憶青山綠水隈

別楊子城

兩情苟不渝豈必在朝暮自我與君識非有酒食素會嘗
意若山館詩稿

卷十六

充

兵戎起奮袂偶道路誓欲肝膽傾憤切同仇訴不憚奔走
勞得致羈鉏赴擁纛彼何爲獻策愁弗顧徒效包胥哭空
負倉葛呼飲恨歸江頭忍飢自邱墓奈何悲憫心倦倦尙
如故博濟非易言德怨每交附我今別君歸願君厚愛護
尺書可時通休恨阻雲樹

偶檢癸丑年書牘存稿有爲余題詞者書以志感

年來事事不如人自恨蹉跎未乞身性懶逢迎容我拙分
甘寂寞欲誰親罪言杜牧狂同棄泣路楊朱感獨真此日
題詞愁更讀一回低首一傷神

陽羨任益之

維屋

茂才投詩枉訪次韻奉酬卽以留

別

恩恩何幸接餘光。曾是南豐有瓣香。謂路質軒彩筆忽傳悲宿草，微疴恨抱隔重牆。等閒白水鳶飛墮，同笑春風蝶助忙。他日相望更相憶，遙遙雲樹指千行。

周子愉觀察枉訪留宿，攜舊述懷感不能已，作此奉

呈

寂處少人過，病魔況初退。胡忽車馬聲，鄰入門內驚喜。知公臨整冠，亟起拜患難。悲共經容顏，看交頓昔來。官府迎今至，隸役怪設館。知何人暄淒，付一慨。感知我最深，一燈幸重對情事。訴十年那禁淚，承袂念當鬼。夷逢全家痛，顛沛相依荷。公仁出入從旌旆，迂儒豈有知議事。每稱快，竟忘名位微。此遇知難再，感激矢勿諉。日月歎逾邁，干戈意若山。館詩稿卷十六

干

復此罹驚魂，欲誰慰。公時久去官，倉皇亦寤寐。消息兩莫通，蹤迹識安在。連宵話無盡，雨風忘淒晦。世道日以非涼，薄起高位公。尙白眼，遭我窮更奚。對後會，知何時。徒令心如醉。

李兩人學士流寓如皋，不得一別，留此奉寄。

行行首重回，戀戀復何意。崇岡蔽吾前，延望渺天際。念彼東山人，高卧起知未。豈忘潁洞時，黃埃正滿翳。翳然了無情，終日門長閉。相思空江頭，寂寞自隕涕。蘭蕙久不芳，荆棘繞階砌。心期證末由，暇卹世共棄。候將雨雪零，川少舟楫濟。寤寐紛離懷，風詩感棠棣。

歸舟寫懷

我生少安居習向扁舟託驚心江湖閒幾歷風波惡奈何
歸願償偏苦水乾涸結筏行不前岸高阻挽索跨驢過丹
陽始見一葦泊隔水亟相呼歡欣卸行囊推篷望青霄夕
陽正西落四面收漁罾炊煙起漠漠心閒路忘長所見皆
足樂計日到鄉閭便可尋鷗約從此許掩關不復插塵腳
誓將謝帆檣忍飢守藜藿

己未

人日邀同諸弟姪小飲

去年人日我方客今年人日我已歸今年得比去年好天
許行樂豈可違舊時親知歎久盡眼前弟姪堪招陪雖無
嘉肴足談笑儘可酣飲爐同圍兩耳不復聽官鼓半聾何
意茗山館詩稿卷十六

三

必防疑猜酒食雖微寓敦睦此事本自先人垂豪家宴客
備水陸林鳥列炬喧爭輝誰能爛醉不拘束轉轍傾覆吁
堪哀但願子孫識吾意安必醇俗真難追明年吾健定爲
例一笑席散顏微頹

風雨中李雨人學士見過欲留不得別後寄此

心事恩恩話短檐離情轉爲雨風添安危已信時難卜出
處能無意獨嚴戎馬關山悲杜甫綠波芳草恨江淹盈盈
一水勞相望休道垂綸夢已甜

回首

鎮日閉門坐身閒心自安惟應詩送老未解酒爲歡苦雨
少人過好花還獨看悠然今古意回首總漫漫

枝頭好鳥聽啾歸及春風願未乖
飲水漫尋高士傳
斷葷聊學太常齋
銷磨短劍腰虛看
殘缺遺書手自排
出處從今休更論
只煩料理踏青鞵

劉雲卿自軍中來訪翦燭話舊感贈一詩

人生惟一情相繫
成今古自從風化衰
斯義委塵土念君別我去芒屨
走軍府蒿目皆瘡痍
驚心但鉦鼓不惜肺腑傾誰見口語忤
徒已昌黎纏嘯豈遠公虎積誠感金石區區獨愚魯
細訴聽深宵奮袖爲君舞
君來知何爲道路忘辛苦我雖病免歸未便缺
斗補君意偏惓惓欲語若難吐
廿載京江遊取友默心數
如君有幾人一
笑酒聊酌慨然意
茗山館詩稿卷十六

棟聖言庶可補

張小桂

送第

曹仰山

爾昌

先後相過

陋巷重煩二子探
一居江北一江南
漫疑聞道來何自
但訴離情已不堪
徑早就荒誰爲埽
盤無兼味我知慙
旁人還認揚雄宅
道是門停問字驂

京口諸生多有以書相寄者
屬又聞警作此慰問卽

以爲答

閉門足養疴
懶復問塵事
尙煩念衰庸
閒月書一至
近聞江北軍
一日舍三避
相逼能無驚
防禦欲誰議
可堪禮樂堂
時作戎馬地
我雖去茲土
得免心憂悻
慨然前史徵更

迭每興廢如何金陵戍七載痛相繼脂膏竭閭閻青紫羅
僕隸銷兵知無時厭亂自天意但得道路通亦自往來易
休怪作答疏涕淚那可寄

張師竹

邦

余舊友淵甫先生之子也淵甫沒官後貧

不能歸卽句容家焉丙戌夏遭賊害一家死者十

人師竹各繫以傳今來相訪出以示余哀之而爲

此詩卽送其歸容山

雨風聽不休愁慘少春意排闥知何人相見各隕涕君本
明德後聲譽未應替奈何喪亂遭風塵雜徒隸流寓容山
旁飢寒不自計賊來憤全家張目怒交詈天地正昏黑虎
狼得逃避婦女半投纒童穉亦被繫袖出紀事篇慄慄見
意容山館詩稿卷十六

三

節義細讀我何堪朝餐爲君廢念與君先公漆膠比交誼
方深宿草悲又墮葛帳淚宗法論津津情事尙宛記此書
今知存痛定喜更繼盛衰豈偶然死生故非細君行欲何
之悵望干戈際

送兒懋之新安愀然成此

出門丈夫志常笑守家弄奈何兒有行惘惘偏臨送兒行

欲何之我謀已不用橐筆戎馬閒儘才更誰重念非逼飢

寒徒事歎倥偬新安路非遙江流瀉淙淙逆挽勞干夫有

若懸厓控道經子陵臺高風尙可諷舊游我未忘題壁正

冬仲冰雪催歸舟負米每增痛瞬息三十年追想眞如夢

兒今復此遊念我心知共高會異清時雍容盛賓從不遇

卽早歸毋使誚愚戇莽莽看浮雲四郊正坳壟荒園可種
瓜且自學抱甕

採藥歌

手提藥籠向空谷參苓見慣何須蓄况肯牛溲馬勃收採
擇徒煩考別錄別有神農未見花淺白深黃看不足花開
恰是秋風時好借吳剛斧親斫謂勝瓊漿一口吞延年定
許童顏復豈知毒發無須與爛胃枯腸命旋覆誰能更起
狄梁公一問藥名是何屬

老農歎

我無半畝田所耕但一硯誰云歲無惡入口贍難徧不須
輸官倉豐盈復何羨念彼富千頃出納得自便槩載森閭
意苕山館詩稿卷十六

云

閔車騎騁郊甸遑卹暮夜勞豈辨終朝宴未聞惟正供亟
亟小民先追呼祇蓬戶日夜涕流面老農抱深憂呼天昧
身賤我雖日不飽得免或天譴

家輪香見過

得歸休笑髮鬚蒼往事重論感不勝木偶登場原是戲飢
人夢飽本難憑漫愁入市仍多虎豈信摩空竟少鷹聞道
憂時還有客好措老眼看春燈

春睡

平安依舊少傳烽春睡何能許獨濃詩悔無題愁屬稿書
難作答怕開封好花帶雨都成淚飛絮兼風覺倍慵識得
老夫心事在細論還爲一扶筇

題織女圖

支機一片石猶閒幾度乘槎客已還爲道貫錢償不易未應天上勝人間

書全椒薛氏兩烈女事略後

女全椒人一名二珠年二十許字余氏一名四珠年十八許字吳氏父暄黍爲英山教諭從至英山戊午三月賊逼城下二女隨母避居黑李村九月六日賊掠村二女同躍入池以死其季父淮生春藜太史爲之徵詩

旄頭忽照英山城英山城中多哭聲可憐薛家兩好女不幸亦此同捐生一女字余一字吳全椒舊族人知名父擁皋比此流寓待年未嫁悲從行賊來侍母避黑李里名本意君山館詩稿卷十六

五

惡心同驚未逾數月賊果至志已早決死非輕從容攜手望池水波瀾不起成雙清全椒是我舊游地門高節義原心傾今聞二女死烈烈得禁哀感曾交并我方追痛故人子妹隨姊死誇全貞謂張淵甫二女何圖後先見此事能勿涕淚爭沾纓作傳恨非職彤管題句亦愧書銘旌二女季父坐史局正需濡筆傳蓬瀛

苦雨

雨聲浪浪聽不止支頭一甌冷如水朝來檐隙忽漏光亟起開窗看失喜須臾障滿仍溼雲樹頭何處留微曛書黏成片蠹不走衣黓若漬篝難熏我雖終日閉門坐道路不復憂泥沈軍興已苦缺餼糧年荒堪更昂百貨豈其天意

欲洗兵故遣銀潢萬斛傾思之不得自長歎老農泣血知
無聲

悼張孟芳

振名

世衰士失已微言歎久絕嘯歌一室中堪復聲銷歇君來
我未歸我歸君已疾勉強造我廬往事感交迹我雖一日
長君豈弟子列今況秉吳鐸觀化樂朽拙何乃盛虛懷進
退自抑抑涼薄方今時此風已前哲君今還太虛我尙縛
塵紕慨然念章縫苦節貞誰吉安得君長存佻達返城闕
哭君君不知雨風助嗚咽

和友感興

恩恩駒隙過如斯回首交游堪更思幾輩未忘田氏客當
意君山館詩稿

卷十六

三

年誰數蔡充兒亡羊得鹿都無據覆雨翻雲總可疑悟徹
莊生齊物意不將心事付彈棋

食楊梅

擔來紫白喜盈筐入口涎流勝玉漿豈是樹頭風味換今
年得在故園嘗

飽噉休嗤老更狂一生能得幾回嘗分甘弟妹知何在想
到兒時轉自傷

寄輪香

人生非別離何知重恩愛況茲各衰暮輒轉免寤寐念從
別君去風塵滿天外豈猶戀微名靡靡忘行邁留滯非無
因初願今始遂我去知君憂我歸定君慰譬如風中蓬飄

泊最無賴幸未隨飛灰銷沒有餘慨所恨隔城鄉雨風艱
良會款關知誰何我思固有在古人如可作夢尋路豈味
舊約願無負待君翦蔥薤

感時

陸沈誰共歎神州舉目河山恨未休莫更新亭問遺事過
江今已少名流

萬丈塵飛落日中出門何處不途窮誰能更取蒲葵扇徧
障東西南北風

不須障簾喚傾身喜怒公原別有因短簿髯參誰識得屋
烏水蟹兩非真

邵子顯以桃李見寄走筆爲謝

意菖山館詩稿

卷十六

七

十年種樹已成陰亂後誰能更一尋料得故人相贈意也
應同我此時心

傾筐深感意綢繆細寫難忘舊日愁欲報已知無一物故
將桃李一時投

周伯義爲解鐵如初度徵詩作此當賀
本是長庚合降庚奚囊到處任閒行不須更抱騷人怨自

向空山寫性情

筵前初度趁芳辰裙屐聯翩笑語新最好恰逢修禊日風
流都是永和人

詞賦何人許並公本來遺硯有家風一經自與傳高密莫
道今無鄭小同

回首圖山幾度經廿年蹤迹感蓬萍如何失卻霓裳曲不
共當年仔細聽

庚申

喜潤孫游庠

一矜何足喜衰祚幸能支習俗非前日艱難況此時漫嫌
人所棄惟以古爲師願更修名勵毋忘危苦詞

張子畏觀察與余別三十三年矣春仲喜得重見有

詩見贈未及和而吳門又遭寇亂遷徙流離幾不

分萍蹤相聚今共儻居荒村補次原韻

不堪三十餘年別驚喜還留此兩翁放眼正愁天地窄同

頭早信死生空風翻林木千重黑火烈崑岡萬丈紅相對

意茗山館詩稿

卷十六

天

新亭誰飲泣尙煩感慨付詩筒

子畏爲余題潤州論詩圖卽次原韻奉酬

杜陵際喪亂痛哭恆於詩倦倦寓忠愛不惜精神疲曠然
百世下誰則能悲之君少負奇氣談吐光陸離奈何用未
竟遽爾遭貶羈人亡邦國瘁古語原無疑吁嗟十年來驚
見幾喪師今更遇顛覆烈烈南風吹可憐好山水盡作亡
羊歧投足欲何所補救將安施逢君正倉猝招君姑江湄
哀哉報國心肯便尋安期炎炎崑岡火況乃日夜移昨聞
魏塘陷擊柝聲聞茲豈眞牛車客亦使靡有遺忠信苟各
矢獨免庸何奇不見三代下尙存古鼎彝焉必下鈞墜不
可挽一絲所望君再起一反今所爲庶廢悲陳陶仍歌遊

漢陂感君贈我詩敢以此相貽

意菴山館詩稿

卷十六

完

意菴山館詩稿卷十六終

孫潤庠曾孫家振校字

